

M326: Passional (A)

- 1,1 von vnser vrouwen wund'e NV horet alle die hie sin
1,2 Vf daz vch di kvnigin
1,3 Di edele vn- di vrie
1,4 Gotes mvter marie
1,5 Mvge deste baz behagen
1,6 So wil ich hi von ir sagen
1,7 Ir zv lobe vns zv vrumen
1,8 als ich mit warheit han v'nvmen
1,9 Svmeliche gute mere
1,10 Dar an di lobebere
1,11 Rechtes lobes wol ist wert
1,12 In dem h'zen daz ir gert
1,13 Zu einem vorsprechen dort
1,14 Ir habet alle wol gehort
1,15 Daz si vier tage hat
1,16 Di man mit viere begat
1,17 In des iares v-mevart
1,18 Der tac do si geborn wart
1,19 Der wart zv iungest vf geleit
1,20 Von der reinen cristenheit
1,21 Nv horet wi sich daz erhub
1,22 als ich sin an dem mere entsub
1,23 Ez was ein reiner guter man
1,24 Der hete sich genvmen an
1,25 In alle sime lebene
1,26 Daz er ie vil ebene
1,27 Sich von d' valschen werlt enzoch
1,28 Vn- an vnsen herren vloch
1,29 an des gebetes innekeit
1,30 Sin h'ze dicke was zvspreit
1,31 an des geistes weide
1,32 D' werlde lieb noch leide
1,33 En konde in brengen nicht da von .
1,34 Des er mit gote was gewon
1,35 Wand er mit kvschen mvte
1,36 In rechter demvte
1,37 Vf got was geneiget gar
1,38 Nv vugete sich z alle iar

1,39 Immer als di zit gelac
1,40 Daz nv ist vnser vrouwen tac
1,41 In dem si zv r werlde quam
1,42 Der selbe gute man v'nam
1,43 In grozer suzekeit dar obe
1,44 an vnsers lieben h'ren lobe
1,45 Von engeln lvtlichen sanc
1,46 D' im mit sulchem done erclanc
1,47 Daz er gevreut des sere wart
1,48 Ie nach des iares v-mevart
1,49 Horte er di stime . vn- anders nicht
1,50 Durch di selben geschicht
1,51 Vn- dvrch des wunders gebot
1,52 Bat er getrulich got
1,53 Daz er im erscheinte
1,54 Waz dirre sanc meinte
1,55 Der im mit sulcher vreude- schal
1,56 Ie des iares erhal
1,57 aller svzekeite vol
1,58 Sin wille wart ervullet wol
1,59 Wand im qua- ein reiner bote
1,60 Ein engel gesant von gote
1,61 Der lieplichen sprach zv im
1,62 "Guter man nv v'nim
1,63 Ich sal machen dir bekant
1,64 Dar nach din wille was gewant
1,65 Waz der gesanc meine
1,66 Maria di vil reine
1,67 Di edele di demvte
1,68 Di schone vn- di gute
1,69 Di cristes mvter . was erkorn
1,70 an dem tage wart geboren
1,71 Der cristenheit zu einer wer
1,72 Des vreut sich allez himelisch her
1,73 In der edelen vrouwen lobe
1,74 Vor irme lieben svne dar obe
1,75 Diz salt u offenbaren
1,76 Daz man in allen iaren
1,77 In der cristenheit bege
1,78 Den tac . swe-ne er ouch entste
1,79 Daz also himel vnd erde
1,80 Wol eintrechtic werde
1,81 Glich . vnd vnv'houwen
1,82 an dem lobe der vrouwen
1,83 Di wert ist aller werdekeit"
1,84 Swaz dem ma-ne wart geseit
1,85 Daz sagete er vurbaz zvhant
1,86 Dem pabeste machte er ez bekant

1,87 Vn- andern guten luten
 1,88 Sin wort vnde sin beduten
 1,89 Entpfienge sie vil ebene
 1,90 Wand er an sime lebene
 1,91 Mit vil grozer heilikeit
 1,92 Ein bilde gab der warheit
 1,93 Der pabest vn- die gelarten
 1,94 Iren sin do karten
 1,95 allen enden in di schrift
 1,96 Vn- vunden in der alden stift
 1,97 als ouch geschriben was da vorn
 1,98 Wi an dem tage wart geborn
 1,99 Di edele ivncvrouwe gut
 1,100 Sus viel dar uf ir aller mut
 1,101 Daz der tac ein vire wart
 1,102 Von der zit vntz vurwart
 1,103 Den die cristenlute .
 1,104 Begen mit vreuden hute
 1,105 Vn- eren dr an marien
 1,106 Di edeln wandels vrien
 1,107 Sus sal von rechte immer sin
 1,108 Gelobet des himels kvnigin

2,1 Ez was ein edele vrouwe
 2,2 Di mit genaden touwe
 2,3 Von gode also begozze- wart
 2,4 Daz si in tugentlicher art
 2,5 Ires h'zen liebe scharf
 2,6 Grozlich vf vnse vrouwe warf
 2,7 Vf marien di kvnigin
 2,8 Ir liebe wart dar an wol schin
 2,9 Di si zv marien truc
 2,10 In grozer hitze genvc
 2,11 an tugentlicher snelle
 2,12 Si liez ir eine capelle
 2,13 Vor irme huse machen
 2,14 Mit erlichen sachen
 2,15 Wart di geziert ordenlich
 2,16 Di vrouwe vnd'want sich
 2,17 Daz ir was gentzlich vnd'tan
 2,18 Capelle vnde capellan
 2,19 Daz was ir wille vn- ir gebot
 2,20 Dvrch marien vn- durch got
 2,21 als in ir liebe was ergraben
 2,22 Daz si wolde alle tage haben
 2,23 Eine messe von marien
 2,24 Die edeln vn- di vrien
 2,25 Lobete si alsus da mide

2,26 Der vil tugentliche site
2,27 Werte an ir lange vn- lanc
2,28 In des iares hineganc
2,29 Do der kvnigi-ne tac
2,30 In rechter maze gelac
2,31 Daz maria di gute
2,32 In grozer demute
2,33 Ir kint in den tempel truc
2,34 als man mit vreuden genvc
2,35 In der reinen cristenheit
2,36 Die liecht zv den kirchen treit
2,37 Daz liechtmesse ist genant
2,38 Do wart der vrouwen erwant
2,39 Ir messe an vngemache
2,40 Ez vugete notsache
2,41 Daz ir prister dannen was
2,42 Vn- ir niman sanc noch las
2,43 Di messe . als si was gewon
2,44 Di edele vrouwe truc da von
2,45 In ir vil groz vngemach
2,46 Durch daz ma- si betrubet sach
2,47 Wand ir di sache ir vreude nam
2,48 In ir capelle si quam
2,49 Mit grozer andacht si daz tet
2,50 Vn- viel mit leide an ir gebet
2,51 Si clagete weinde sere
2,52 Daz si der grozen ere
2,53 Des heiligen tages solde entwesen
2,54 Vn- weder singen noch lesen
2,55 Di messe solde horen
2,56 Diz mvste ir vreude storen
2,57 In alles h'zen mvte
2,58 Secht wa got der gute
2,59 Liez offenlichen schouwen
2,60 an der selben vrouwen
2,61 Daz er nicht vngelonet lat
2,62 sw' sine mvter lieb hat
2,63 Di vrouwe wart entrucket hin
2,64 Von gote in eine- vremden sin
2,65 Der ir herze erluchte
2,66 Di vrouwe do beduchte
2,67 Wi si in ein mvnst' quam
2,68 Dar abe si vil vreuden nam
2,69 Daz mvnst' was gezieret
2,70 Wol vnd'ordenieret
2,71 an tiefer listkvnder art
2,72 Di vrouwe bracht dar in wart
2,73 an eine wol gezierte stat

2,74 Secht wi zv r tvr in trat
2,75 als si begonde schouwen
2,76 Vil schoner ivncvrouwen
2,77 Wol geordent was ir ganc
2,78 Idoch vor in allen swanc
2,79 Ein iuncvrouwe also lustsam
2,80 Daz di vrouwen wund' nam
2,81 Irre vnmazen clarheit
2,82 Si was kvniclich becleit
2,83 In aller richeit genvc
2,84 Vf irme houbte si truc
2,85 Ein wol luchtende crone
2,86 Sie quamen alle schone
2,87 Vn- satzten sich nach ir recht
2,88 In der kirchen zilecht
2,89 als sie ir ordenvnge twanc
2,90 Dar nach nicht vber lanc
2,91 So sicht si aber dringen
2,92 Eine schar von ivngelingen
2,93 In . durch di kirchtvr
2,94 Sie quamen alle her vur
2,95 In daz mvnst' ordenlich
2,96 Vn- satzten zvchtlichen sich
2,97 Wand in wol gestulet was
2,98 In den gotes palas
2,99 Wart do vil bvrnder kerze- bracht
2,100 In harte grozer andacht
2,101 Gab ma- ein liecht d' vrouwe- hin
2,102 Di zv m ersten vor in
2,103 Was in den tempel getreten
2,104 als sie daz getan heten
2,105 Vn- di vrouwe lobesam
2,106 Ir liecht in ir hant genam
2,107 Ir kerzen man alv-me gab
2,108 Vntz an daz ende hin ab
2,109 Daz da niman inne was
2,110 In des mvnsters palas
2,111 Er en hete ein liecht in der hant
2,112 Obene harte schone entprant
2,113 ane di vrouwe alleine
2,114 Do quam ouch ir eine
2,115 Vn- gab der vrouwe- ein liecht
2,116 Vf daz si hete mitepflicht
2,117 an der hochzit . diz geschach
2,118 Dar nach di vrouwe aber sach
2,119 Wi mit schonen vugen
2,120 zwene zwei licht trugen
2,121 Daz eine was laurencius

2,122 Daz andere vincencius
2,123 Nach de- quame- zwene man
2,124 Die sich heten an getan
2,125 als noch hute in hochzit
2,126 Dyaken vn- subdyaken pflit
2,127 Vn- zv dem amte suln lesen
2,128 Die duchte- sie zwene engele wesen
2,129 nach den qua- mit zierheit
2,130 Einer pfefflich becleit
2,131 Sie duchte ez were cristus
2,132 nv dise quamen alle sus
2,133 Vntz hin vur den altare
2,134 Do erhub man offenbare
2,135 Des tages sanc vn- sin amt
2,136 Swaz ir dar i-ne was gesamt
2,137 Die svngen also schone
2,138 Daz von sulchem done
2,139 Di vrouwe groze vreude entphie
2,140 Daz amt vaste hine gie
2,141 Biz zv dem opfersange
2,142 Do qua- an schone- gange
2,143 als daz opfer solde sin
2,144 Di gecronte kvnigin
2,145 Hin vor den prister . da si
2,146 Vntz vf die knie sich nider lie
2,147 Vn- opferte im daz kerzenlicht
2,148 Mit tvgentlicher zvpflcht
2,149 als si wider hin getrat
2,150 Da si e . was an ir stat
2,151 Ein ieglich zv dem alter qua-
2,152 als der gewonheit wol gezam
2,153 Da er der kerzen sich v'zech
2,154 Di man im da vor lech
2,155 Sie begonden alle schouwen
2,156 Dort nach iener vrouwen
2,157 Ob si queme . oder nicht
2,158 Vn- wolde ouch opfern ir licht
2,159 D' prister der des amtes wiert
2,160 Nach der vrouwen sich enthielt
2,161 also daz er nicht vurbaz sanc
2,162 Diz werte lanc vnde lanc
2,163 Daz doch di vrouwe nicht en qua-
2,164 Do daz di kvnigin v'nam
2,165 Daz ir beitte gar die rote
2,166 Do wart da hin gesant ei- bote
2,167 Von der grozen kvnigin
2,168 "Ganc" sprach si . "si mac wol sin
2,169 als ein gebvrin gemvt

2,170 Dem si nv gliche tut
2,171 Vn- zv dem opfer nicht en qua-
2,172 Sit der prister lobesam
2,173 Ir beitet . also lange dort”
2,174 Der bote warb sine wort
2,175 Zu der vrouwe- v-me z licht
2,176 Si sprach . “des en gebe ich nicht
2,177 Wil der prister singen
2,178 Vn- daz amt volbringen
2,179 Nach dem rechte vf sin zil
2,180 Daz mac er tvn ob er wil”
2,181 Di kvnigin ir aber enpot
2,182 Des liechtes were ir vnnot
2,183 Daz si ez zv m opfer brechte
2,184 Vn- dar an gedechte
2,185 Wi ir der prister beitte
2,186 Vn- daz amt nicht en leitte
2,187 als er solde vffe z ort
2,188 Da was aber der vrouwe- wort
2,189 als ez da vor was gewesen
2,190 “Er mac singen oder lesen
2,191 Swi im daz selber wol behage
2,192 Min liecht ich im nicht en trage
2,193 Nach mines h’zen wale”
2,194 Zv dem dritten male
2,195 Enpot da hin di vrouwe
2,196 “Ganc” sprach si “vn- schouwe
2,197 Ob si noch an den sachen
2,198 Ein ende wolle machen
2,199 Vn- daz liecht her brengen
2,200 Wil si ez aber lengen
2,201 So nim daz liecht mit gewalt
2,202 Des dv ir nicht lazen salt”
2,203 Der bote quam aber dar
2,204 Vn- nam ir mit rede war
2,205 Ob si noch wolde volgen
2,206 Si wart im des erbolgen
2,207 So gentzlich daz si hielt ir licht
2,208 Vn- gab im da von nitchesnicht
2,209 Der bote ouch nicht blibe- liez
2,210 als in sin vrouwe tvn hiez
2,211 an daz liecht die hende er sluc
2,212 Di vrouwe im nitchesnicht v’truc
2,213 Wand si sich vaste hielt in hart
2,214 Der strit lange an in gewart
2,215 Wand si im crieges nicht entvloch
2,216 Iener zoch . di vrouwe zoch
2,217 Nach des h’ten crieges siten

2,218 Di kerze brach al inmiten
2,219 Daz si ir halb bleib in der hant
2,220 Hi mite was ir crieck volant
2,221 Di vrouwe zv ir selber quam
2,222 Mit rechter warheit si v'nam
2,223 Daz si got beruchte
2,224 Vn- mit genaden suchte
2,225 Der sele zv gelucke
2,226 Si vant daz halbe stücke
2,227 Der kerzen noch in irre hant
2,228 alle ir truren was volant
2,229 Dvrch sulcher vreuden gebot
2,230 Si lobte den guten got
2,231 Vn- di heiligen mvter sin
2,232 Marien di kvnigin
2,233 Vmb di schone geschicht
2,234 Mit aller tugende zvpflicht
2,235 Diente si ir baz dan e .
2,236 Swem da was vo- gesuchte we
2,237 Dem wart sin leit gar benvmen
2,238 Ob er dar zv mochte kvmen
2,239 Daz in daz kerzen stücke
2,240 Berurte zv gelucke
2,241 So mochte er wol gesvnt sin
2,242 Des si gelobet di kvnigin

3,1 BOnifacius ein pabest was
3,2 als ich vo- im geschriben las
3,3 D' zv rome in der stat
3,4 an vil genaden vf trat
3,5 Vn- ein tempel der abgote
3,6 Nach rechter tugende gebote
3,7 In ein gotes tempel karte
3,8 als in sin wisheit larte
3,9 Wand er genaden was gevult
3,10 als ir her nach horen sult
3,11 Wan vns di zit kvmt an ir recht
3,12 Do ma- den selben gotes knecht
3,13 Des stules pflegen zv rome sach
3,14 Bi sinen ziten geschach
3,15 Daz zv rome in der stat
3,16 Der iuden crieck sere vf trat
3,17 Kegen der reinen cristenheit
3,18 Wand sie waren alda breit
3,19 Vn- ein teil groz ir gewalt
3,20 Hi von wurden sie so balt
3,21 an ir verkarten listen
3,22 Daz sie die godes cristen

3,23 Velscheten swa sie kvnden
3,24 Dar vf sie begvnden
3,25 Mit rede buwen hi vn- da
3,26 Sie sprachen daz maria
3,27 Do si cristum gebere
3,28 Nicht kvsch ein maget were
3,29 Ioseph der were ir recht' man
3,30 "Nv secht" sprachen sie "dar an
3,31 Daz ein ieglich me-sche v'birt
3,32 Swaz vo- nature nicht gewirt
3,33 Naturlich ganc let dar abe
3,34 Daz ein ivncvrouwe ei- kint habe
3,35 Vn- des blibe kvsch dar na"
3,36 Die cristen sprachen isa
3,37 Zv in daz der groze got
3,38 alvollen hat des gebot
3,39 Daz er in sime hoen lobe
3,40 Si der naturen obe
3,41 Dar vz er machet swaz er wil
3,42 Sie bezvgeten ez vil
3,43 Mit propheten vn- wissagen
3,44 Die es bekanten bi ir tagen
3,45 Vn- hiezen sie daz suchen
3,46 In ir selbes buchen
3,47 Da stvnt ez werlich geschriben
3,48 Die iuden idoch stete bliben
3,49 Vn- liezen sich nicht biegen
3,50 Von ir valschen criegen
3,51 Swi man in dicke wid' trat
3,52 nv was ein blinder in der stat
3,53 Von siner mvter blint geborn
3,54 Dem was dirre crieck zorn
3,55 Svmeliche sagen mere
3,56 Daz er ein iude were
3,57 Wir lazen in sin . wer er was
3,58 Er was ie blint als ich z las
3,59 Idoch hete er von kindes iugent
3,60 als noch die blinde- vil wol mvgent
3,61 Gelernet vzen di schrift
3,62 Sines h'zen wise grift
3,63 In den grvnt so v're brach
3,64 Daz er offenlichen sprach
3,65 als di schrift hat gesaget
3,66 Maria were ein kvsche maget
3,67 Vn- hete an rechter kvscheit
3,68 Cristvm an siner menscheit
3,69 Mit vreuden zv der werlde bracht
3,70 als sin von gote was gedacht

3,71 Der ez nach willen geschuf
3,72 Do wart ein hvce vn- ein ruf
3,73 Kegen im von allen iuden
3,74 als ein tier von den ruden
3,75 Wart er an gebollen
3,76 “Din lib ist bewollen”
3,77 Sprachen sie “dv blinder
3,78 Dv macht wol treten hinder
3,79 Wand dv in svnden bist geborn
3,80 Vn- dar inne hast v’lorn
3,81 Die ougen der naturen
3,82 Dv soldest billich truren
3,83 Der ordenvnge missetrit
3,84 Hat dir v’schrenket die gelit
3,85 Vn- von sulcher vngewalt
3,86 Bis tu nicht als ei- me-sche gestalt
3,87 Vollenkvme- an den geliden
3,88 Dv soldest billich han v’miden
3,89 Gein vns heben dinen cric
3,90 Ganc zv huse vn- swic
3,91 Wand dir misselvngen ist
3,92 Din maria vn- din crist
3,93 Hey wi verre sie dir sint
3,94 Dv bist ir knecht . vn- bist blint
3,95 Dv lobest sere marien
3,96 De kan dich nicht gevrien
3,97 Von diner blindeclichen clage
3,98 Hi von vns ni-mer nicht sage
3,99 Von ir tugentlichen macht”
3,100 Do wart der blinde dar zv bracht
3,101 Daz er begonde buwen
3,102 Vf got . vn- im getruwen
3,103 Daz er in solde losen
3,104 Von disen Worten bosen
3,105 Dvrch siner mvter willen
3,106 Die iuden wolde er stillen
3,107 Die nv waren alzu geil
3,108 “nv horet” sprach er “mich ein teil
3,109 Waz ich offentlich vch sage
3,110 Her nach an dem dritte- tage
3,111 So sult ir alle vil wol sehen
3,112 Wi got an mir wil beiehen
3,113 Daz er in siner tugende lobe
3,114 Der naturen ist obe
3,115 als mir sin gute wider git
3,116 Daz von geburt nider lit
3,117 Ich meine miner ougen licht
3,118 Des ma- nv mich darben sicht”

3,119 "Hora hora" sprachen sie
3,120 "waz dirre hat geraset hie
3,121 Ia" sprachen sie gotgymen
3,122 Sich ob dir crist mac gevrumen
3,123 Den vnse vetere viengen
3,124 Vn- an ein cruce hiengen
3,125 Sin helfe was im selber tot
3,126 Wand ma- im leides vil erbot
3,127 Daz er mvste liden
3,128 Man sach in da v'miden
3,129 Swaz er helfe ie gewan
3,130 Wir wollen des dir bi gestan
3,131 Vn- vns dar an verbinden
3,132 Gehilfet er dir blinden
3,133 Daz dv mit ouge- macht gesehen
3,134 Wir wollen gentzlich an in iehen
3,135 Mit gelouben . vn- vns toufen
3,136 Do wart ein zvloufen
3,137 Von dem volke in der stat
3,138 Diz gelubde man sie bat
3,139 Verbvrgen . vn- behalden
3,140 Do sprachen gar die alden
3,141 Die edeln romere
3,142 Ob dem also were
3,143 Daz der blinde wurde
3,144 Von blindeclicher burde
3,145 Erloset von dem gute- gote
3,146 So solde gar der iuden rote
3,147 In mit gelouben eren
3,148 Wolde iman des entkeren
3,149 Des gut solde wesen vri
3,150 Vn- er mvste wichen bi
3,151 So hin mit schanden vz er stat
3,152 Der blinde vrolich heim trat
3,153 Hi mite ouch ieglich der diet
3,154 Heim zv herbergen schiet
3,155 Die iuden heten iren spot
3,156 Die cristen baten alle got
3,157 Daz er ir spotten dructe
3,158 Vn- den gelouben zucte
3,159 Vf . in hoer werdekeit
3,160 Wand der iuden valscheit
3,161 In gedachte vnwislich ruren
3,162 Der blinde hiez sich vuren
3,163 Vur den pabest bonifacium
3,164 Der weste noch nicht dar vm
3,165 Do er di rede im sagete
3,166 Vil wol si im behagete

3,167 Wan er was ein wiser man
3,168 Vn- gestvnt mit im dar an
3,169 Got solde in wol erhoren
3,170 Vn- den valsch zvstoren
3,171 Der an der iuden h'ze lac
3,172 Nv was di zit . der selbe tac
3,173 Der e . von in beiden
3,174 Was dar zv bescheiden
3,175 Der liechtmesse ist genant
3,176 Do maria den heilant
3,177 Iesvm truc zv dem templo
3,178 Der pabest hiez gebieten do
3,179 als im sin herze geriet
3,180 Daz algemein der iuden diet
3,181 Des tages zv houf sich nemen
3,182 Vn- zv der metten quemen
3,183 In daz mvnster vnser vrouwen
3,184 Da solde man beschouwen
3,185 Ob crist der iuncvrouwen svn
3,186 Icht mochte ein zeichen getvn
3,187 Von gotlichem gewalde
3,188 Do quamen iunge vn- alde
3,189 Svnder allez vristen
3,190 Von iuden vn- von cristen
3,191 Von leyen vn- von pfaffen
3,192 Vn- wolden zv caffen
3,193 Welche den sic hetten
3,194 Man sanc vil schone metten
3,195 Wand da vil pfaffen was
3,196 Do ma- di achten leccien las
3,197 Do wart iener blinde
3,198 Gvurt von eime kinde
3,199 Vur den alter an ein stat
3,200 Da er so offentlich vf trat
3,201 Daz in manic me-sche sach
3,202 Sin gebet er da sprach
3,203 Daz kint lief von im her abe
3,204 Vn- liez in sten an dem stabe
3,205 Dar uf er geneiget stvnt
3,206 Sin h'ze tet als die tvnt
3,207 Die nicht zwiueln an gote
3,208 In rechter tugende gebote
3,209 Gewis er siner ougen was
3,210 Do ma- di leccien vz gelas
3,211 Do sweic der kor . vn- er sanc
3,212 Mit vreuden als sin wille in twanc
3,213 Ein responsorium . daz er
3,214 In dem h'zen brachte her

3,215 Vn- getichtet hete vor
3,216 Sin sti-me hub sich dr an enpor
3,217 Vn- sanc in rechter wende
3,218 Hin vntz an daz ende
3,219 Do daz vers vz quam
3,220 Von gote lon er des nam
3,221 Ouch zvhant vf der stete
3,222 Wand er zwei schone ougen hete
3,223 Crist erluchte sinen knecht
3,224 Daz in der zit wol was recht
3,225 Wand er mit worten vrien
3,226 Sine mvter marien
3,227 Groz lob hete an geleit
3,228 Vn- ir edele kvscheit
3,229 Bewerte wol dar inne
3,230 Siner worte sinne
3,231 Die er offenliche sanc
3,232 Heten vf den sin ir ganc
3,233 “Vreuwe dich maria vrouwe gut
3,234 aller vngelouben blut
3,235 Has tu- wol zvbroschen
3,236 Swaz zv dir hat gesprochen
3,237 Gabriel der godes bote
3,238 Des geloubes tv von gote
3,239 In rechter tugende schouwe
3,240 Di kvsche iuncvrouwe
3,241 Gebere menschen . vn- got
3,242 Nach der gotheit gebot
3,243 Vn- blibe kvsch nach der geburt
3,244 Daz ich z da mite mache kvrt
3,245 Der iude mvze sin geschant
3,246 Des geloube ist dr an gewant
3,247 Daz crist der liebe h’re min
3,248 Iosephes svn solde sin
3,249 Sit in di ivncvrouwe gut
3,250 Gebar in kvscheit wol behut”
3,251 Swaz der pfafheit was gesamt
3,252 Dvrch di metten an daz amt
3,253 Vn- sahen waz alda geschach
3,254 Wi der me-sche wol gesach
3,255 D’ vor des blint was gewesen
3,256 Do was ein ieglicher genesen
3,257 Mit vreuden von des zwiuels not
3,258 Der sich da vor genvgen bot
3,259 In lobes richem schalle
3,260 Huben sie do alle
3,261 Iren gesanc hin zv gote
3,262 Von des tugende gebote

3,263 Der iuden schallen sich v'schriet
3,264 Sich touften von der iuden diet
3,265 Wol vmb di vumf hvndert
3,266 Swer ouch des was gesvndert
3,267 Vn- nicht sich liez erweichen
3,268 Diz lobeliche zeichen
3,269 Svnder als e . herte bleib
3,270 Den selben ma- vil balde vz treib
3,271 als e . was gelobet von der stat
3,272 Do wart ordenlich gesat
3,273 Von dem pabeste albesvnder
3,274 Dvrch diz groze wunder
3,275 Daz die geloubigen hetten
3,276 Den gesanc zv der metten
3,277 an dem tage vnser vrouwen
3,278 Dar an sie mochte- schouwen
3,279 Ir lob vn- ir erenpris
3,280 Wand di kvniginne wis
3,281 Iren vrunden helfen wil
3,282 Des si dvnket nicht zv vil
3,283 Die si mit truwen rufen an
3,284 Den wil si vollen trost lan
3,285 Swa sie in noten indert sin
3,286 Des si gelobet di kvnigin

4,1 Marien der vrouwen gut
4,2 Sul wir in recht' demut
4,3 Vil lobes stete mezzen
4,4 Ein ritter was v'mezzen
4,5 an ritterlichem prise
4,6 Kvne . vnde wise
4,7 Was er . vn- da bi tugenthaft
4,8 Maria hete groze craft
4,9 In siner liebe . die er ir
4,10 Bot mit steteclicher gir
4,11 an dienste maniger leie
4,12 So hin zv dem tvrneie
4,13 Wol er in einen ziten
4,14 Nach gewonheit riten
4,15 Bi des tvrneies plan
4,16 Lac ein mvnster wol getan
4,17 Gewihet der wandels vrien
4,18 Gotes mvter marien
4,19 als der ritter ritterlich
4,20 Wol bereit hete sich
4,21 Vn- vur daz mvnster reit
4,22 Dar inne was von pfafheit
4,23 Gesamt ein ersame rote

4,24 Der ritter was gut in gote
4,25 Er dachte . “ez ist gut daz ich ge
4,26 Vn- hore in cristenlicher e .
4,27 Eine messe von marien
4,28 Si mac mich wol gevrien
4,29 Von aller hande leides not”
4,30 als im sin wille gebot
4,31 Daz liez er vollen varn alhie
4,32 In daz mvnster er gie
4,33 Zv einer messe di man sprach
4,34 als man daz ende kvme- sach
4,35 So hub ma- dort ein and’e an
4,36 Di wolde er vollen stan
4,37 Vntz si volsprochen were
4,38 Waz sal des lange mere
4,39 Der messen wart vmb in so vil
4,40 Daz sie in hielden in dem zil
4,41 Vntz bi den mitten tac so hin
4,42 Sin heilic tvgentlicher sin
4,43 In nicht vnderbrechen lie
4,44 Swaz ma- der messen sprach alhie
4,45 Vf sin ros er do gesaz
4,46 Vn- reit so hin vurbaz
4,47 Da er weste den behurt
4,48 Di zit beduchte in wesen kvrt
4,49 Di wile er in der kirchen was
4,50 Vn- gote sin gebet las
4,51 Vf den behurt stvnt noch sin wan
4,52 Nv was der tvrnei zvlän
4,53 Die lute riten im entgegen
4,54 Vn- sprachen daz er gar ein degen
4,55 Des tages were alda gewest
4,56 Vf tyust . vn- vf forest
4,57 Besahen sie nie ritters man
4,58 Ritterschaft so wol getan
4,59 als da sine kvne manheit
4,60 Genvger alda zv im reit
4,61 Mit vil grozer demvt
4,62 Die im waren schuldic gut
4,63 Nach des tvrneies recht
4,64 Beide ritter vn- knecht
4,65 Sprachen vor in allen
4,66 “Ez ist vch wol gevallen
4,67 Wand ir gut . ere . vn- pris
4,68 In vil ritterlicher wis
4,69 an vns hute habet eriaget”
4,70 als diz dem ritter wart gesaget
4,71 Es nam in michel wunder

4,72 Idoch al dar vnder
 4,73 Begonde er offen schouwen
 4,74 Daz werc vnser vrouwen
 4,75 Wi er geeret was von ir
 4,76 "Ir sult" sprach er "gelouben mir
 4,77 Daz ich sin vil vnschuldic bin"
 4,78 Sus sagete er in vil gar den sin
 4,79 Wi im zv r kirchen geschach
 4,80 D' ritter sich do von in brach
 4,81 Zv r werlde nam er vrloub
 4,82 Wand im was ir liebe toub
 4,83 Er en schuf weder diz noch daz
 4,84 als er in den wapenen saz
 4,85 Sus reit er in daz closter hin
 4,86 Sin vil gotlicher sin
 4,87 Greif vurbaz an di ritterschaft
 4,88 Daz er mit aller tugende craft
 4,89 Marien ritter wolde sin
 4,90 Des si gelobet die knigin

5,1 Einer vrouwe- starb ir man
 5,2 Vn- hete ir nicht me kint gelan
 5,3 Dan eine- svn . der was ir zart
 5,4 Do der z einem manne wart
 5,5 Er was in irme erbe
 5,6 Wol ersam vn- bederbe
 5,7 Nv vugete sich z an eime tage
 5,8 Daz der vrouwe- wuchs ei- clage
 5,9 Wand ir svn gefangen wart
 5,10 Vn- bevestent vil hart
 5,11 In kerker vn- in halsrinc
 5,12 Vmb den selben ivngelinc
 5,13 Mochte man do schouwen
 5,14 Iamer an der vrouwen
 5,15 Wand ir weine- vn- ir clagen
 5,16 Daz si treib an allen tagen
 5,17 Des was vil vn- genvc
 5,18 Ir andacht si dar uf truc
 5,19 Daz si begonde schrien
 5,20 an gotes mvter marien
 5,21 Daz si von allen banden
 5,22 Vn- von den vianden
 5,23 Iren svn wolde machen vri
 5,24 Diz gebet wonte ir bi
 5,25 Lange zit . vn- di geschicht
 5,26 Half si dar an nictesnicht
 5,27 Swaz si gebat marien
 5,28 Vmb iren svn zv vrien

5,29 Den kerker niman im entsloz
5,30 zv iungest si sin ouch v'droz
5,31 Wand ir gebet was vnerhort
5,32 Si quam zv einer kirchen dort
5,33 nach gewonlichen siten
5,34 Da was ein bilde gesniten
5,35 Vn- meisterlich gehouwen
5,36 Nach vnser lieben vrouwen
5,37 In ir schoze ein kindel saz
5,38 Di vrouwe erspehete vil wol daz
5,39 allein si were dr inne
5,40 In einvaldigem sinne
5,41 Vur daz bilde si quam
5,42 Zvsamne si ir hende nam
5,43 Vn- viel vf ire knie vnvro
5,44 Si sprach zv vnser vrouwen do
5,45 Wand betrubet was ir mvt
5,46 Maria iuncvrouwe gut
5,47 Ich bin da her zv dir getreten
5,48 Vn- habe dich harte vil gebeten
5,49 Beide abent vnde morgen
5,50 Daz dv in minen sorgen
5,51 Mir woldest dine helfe tvn
5,52 Vn- mir minen lieben svn
5,53 Vrolich woldest losen
5,54 Von alle ienen bosen
5,55 Die in dort gefangen haben
5,56 Nv han ich des vil wol entsaben
5,57 Swaz ich an dich vn- an din kint
5,58 Schrie . daz ist allez blint
5,59 Wand du mir nicht helfen wilt
5,60 Mine bete sich alhie bezilt
5,61 Wand ich dich nicht wil als e .
5,62 Vmb mine- svn biten me
5,63 Min arbeit sal ich dr an v'sparn
5,64 aber ich wil dir mite varn
5,65 als mit mir ist geworben
5,66 Sit min trost ist erstorben
5,67 So wil ich din kint dir ouch nemen
5,68 Des mich dvrch not mvz gezemen
5,69 Zv eime gisele vur min kint
5,70 Min wille ni-mer sich erwint
5,71 Daz ich in wider brenge dir
5,72 Dv en schaffest minen svn mir
5,73 Dar v-me tv als dir behage
5,74 Wand ich ie zv huse trage
5,75 Din kint mit mir vo- dirre stat
5,76 Hi mite si hin zv trat

5,77 Vn- nam daz bilde ir uz er schoz
5,78 Ein tuch si dar v-me sloz
5,79 Vn- truc ez heim mit ir zv hvs
5,80 Si gienc vil heimlich in ir clvs
5,81 Vn- nam mit grozem ruche
5,82 Vil sydiner tuche
5,83 Vn- dar zv ander gewant
5,84 Dar v-me si ez wol bewant
5,85 Vn- leit ez in ir kisten
5,86 Si sprach "wil dich hi vristen
5,87 Din mvter . daz mac si wol tvn
5,88 Gibet si nicht mir mine- svn
5,89 Dv wirst ir ni-mer widerbracht"
5,90 nv qua- ouch in der selben nacht
5,91 Maria di vil gute
5,92 In des kerkeres hute
5,93 Da iener svn gevangen lac
5,94 Vn- vil lutzel vreuden pflac
5,95 Nach siner viende willekvr
5,96 alle des kerkeres tur
5,97 Vezzern vnde halsbant
5,98 Loste im maria zvhant
5,99 Si sprach "vil liebez kint nv ganc
5,100 Vri svnder allen twanc
5,101 Zv diner mvter . vn- sprich
5,102 Daz ich geloset wol han dich
5,103 Sit dv macht vri bi mir leben
5,104 Heiz mir mi- kint ouch wid' geben
5,105 Daz si mir vor dich e . nam"
5,106 D' knappe heim zv huse quam
5,107 Harte vrolich zvhant
5,108 Der mvter machte er bekant
5,109 allez wi im was geschen
5,110 als in di mvter hete ersehen
5,111 Do wart ir vreude harte groz
5,112 Iren kasten si vf sloz
5,113 Des si do nicht bevilde
5,114 Si nam daz cleine bilde
5,115 Da mite si zv r kirchen quam
5,116 Vn- gab der vrouwe- lobesam
5,117 Ir kint wider . vn- sprach
5,118 "Nv hat min h'ze gut gemach
5,119 Edel kvsche gotes maget
5,120 Genade vn- lob si dir gesaget
5,121 Wand din helflicher trost
5,122 Mir mine- svn hat erlost
5,123 Von der gevennisse cloben
5,124 Des sal ich dich immer loben

- 5,125 ane v'gezzens vnderbint
5,126 Dv hast gelediget wol din kint
5,127 Daz ich dir laze vrie"
5,128 Secht alsus kan marie
5,129 Ir tugent den lute- zeigen
5,130 Die sich wollent neigen
5,131 Vn- ir mit dienste vndersin
5,132 Des si gelobet di kvnigin
- 6,1 VF vngenemen gewin
6,2 Satzte ein ma- sines h'zen sin
6,3 Wand er den lute- stal ir habe
6,4 Vn- betruc sich dar abe
6,5 Idoch dirre selbe dieb
6,6 Hete vnse vrouwe- harte lieb
6,7 Swi er des bosen amtes pflac
6,8 Dar an er gevangen lac
6,9 In der svnden stricke
6,10 Idoch vil dicke vn- dicke
6,11 Sprach er daz aue maria
6,12 Beide hi vnd ouch da
6,13 Gruzte er di liebe vrouwen
6,14 Da bi was vnv'houwen
6,15 Sin dvbe . der er dicke pflac
6,16 Nv vugete sich z vf eine- tac
6,17 Daz er nach duplicher art
6,18 nach recht' schult begriffen wart
6,19 Vn- geworfen in den stoc
6,20 Dvrch sin velschlich gezoc
6,21 Wart im verteilt sin leben
6,22 Vber in wart vrteil gegeben
6,23 Daz ma- in solde erhengen
6,24 Diz wolde man volbrengen
6,25 nach gehegetem vrteile
6,26 Mit eime starken seile
6,27 Wart er gestricket oben an
6,28 Man zoch di leiter hin dan
6,29 Vn- liez den dieb swingen
6,30 Do wolde an nuwen dingen
6,31 Maria di getruwe
6,32 Machen alda nuwe
6,33 Daz ein ieglich geslechte
6,34 Si mi-nen sal zv rechte
6,35 Vn- an dem h'zen haben lieb
6,36 Si hielt enpor disen dieb
6,37 Daz in der stric nicht en twanc
6,38 alsus sagete si im danc
6,39 Daz er si dicke gruzte

6,40 Sin vngemach si buzte
6,41 Swi er enpor swebete
6,42 Daz er doch wol lebete
6,43 Vn- dikeines leides pflac
6,44 Sin gelucke im do wac
6,45 Daz die . die in e . hiengen
6,46 Des dritten tages giengen
6,47 Von geschicht da vor in
6,48 Wand da gienc ein straze hin
6,49 Vn- sahen daz in wunder bot
6,50 Wi im noch v're was sin tot
6,51 Wand er sich regete . vn- sprach
6,52 Ob er hete gut gemach
6,53 Ir einer hiv entzwei daz seil
6,54 Do gestvnt er vor im heil
6,55 als dem nicht leides ist geschen
6,56 Sie baten in der warheit iehen
6,57 Wi daz were ergangen
6,58 Sit er was erhangen
6,59 Daz in der tot nicht hete erslagen
6,60 Do sprach er daz wil ich vch sagen
6,61 Wanne- mir ist helfe kvmen
6,62 Do mir di leiter wart benvmen
6,63 Vn- sus min trost v'houwen
6,64 Di allerschonsten vrouwen
6,65 Di ie kein ouge me gesach
6,66 Sach ich kvme- vf mi- gemach
6,67 Wand si mich enpor hielt
6,68 Vn- mit gewalt min also wielt
6,69 Daz mich der stric nicht en twanc
6,70 Di zit en duchte ouch mich nicht lanc
6,71 Wand mir gar ein semfte leben
6,72 Dar enbinne- was gegeben
6,73 So gerne ich di vrouwen sach
6,74 Zv mir vil gutlich si sprach
6,75 "Nv sich wi dv geniezen salt
6,76 Diner tugende gewalt
6,77 Dvrch di ich dir helfe la
6,78 Wan dv daz aue maria
6,79 Zv mir spreche dicke
6,80 Des sal in disme stricke
6,81 Gelonet werden dir ein teil"
6,82 Die lute waren alle geil
6,83 Do sie heten wol v'nvmen
6,84 War abe im helfe were kvmen
6,85 Durch di reine marien
6,86 Di in da wolde vrien
6,87 Do liezen sie in wesen vri

6,88 Der dieb lief alzvphant da bi
6,89 Z eime clostere . da er bat
6,90 Daz ma- durch got in an der stat
6,91 Sine svnde lieze bvzen
6,92 Marien di vil svzen
6,93 Gewan er also lieb dar na
6,94 Daz er daz aue maria
6,95 Mit siner venie ir dicke bot
6,96 alsus tut in aller not
6,97 Di vrouwe ire- vru-den helfe schin
6,98 Des si gelobet di kvnigin

7,1 IN einer schule ein schuler was
7,2 Der da sanc vnde las
7,3 Vntz an kvnst er gedech
7,4 Sin h'ze sich des nie v'zech
7,5 Ez en hete lieb marien
7,6 Di reinen wandels vrien
7,7 Gruzte er dicke hi vn- da
7,8 Mit dem aue maria
7,9 Vnser vrouwen gezit
7,10 Di maniger noch sprechen pflit
7,11 Di sprach der schuler alle tage
7,12 nv entstvnt im ein clage
7,13 Di im ein teil swere wart
7,14 Wand im des todes hervart
7,15 Vater vn- mvter nam
7,16 Daz erbe gar vf in quam
7,17 Wand er was ein einec svn
7,18 Der vrunde rat mvste er tvn
7,19 Wand ir wille was dar an
7,20 Er solde von den buchen lan
7,21 Vn- zv der e . grifen
7,22 Oder im begonde entslifen
7,23 Vz den henden sin gut
7,24 Sie vberwunden sine- mut
7,25 Er volgete irme rate
7,26 Do wart ouch im vil drate
7,27 Getruwet offentlich ein brut
7,28 Di man im schone vn- vberlut
7,29 Erlich zv huse brachte
7,30 Der brutegovm gedachte
7,31 Er hete ein teil gebrochen
7,32 Vn- noch nicht vollensprochen
7,33 Di gezit vnser vrouwen
7,34 Daz hete im vnderhouwen
7,35 Di samnvnge vn- di wirtschaft
7,36 Daz h'ze idoch im was behaft

7,37 Zv vnser vrouwen also tief
7,38 Daz er heimlichen lief
7,39 In vil drater snelle
7,40 Da bi in di capelle
7,41 Vn- wolde ervullen sin gebet
7,42 Binne- des vn- er daz tet
7,43 Do viel er vn- entnvcte
7,44 Sin herze sich enzvcte
7,45 an vremde aneschouwe
7,46 Vor in quam vnse vrouwe
7,47 In schonem liechte genvc
7,48 Ir antlitze si nider sluc
7,49 als ob di wolgeborne
7,50 In solde sehen mit zorne
7,51 Dem si wol geliche sach
7,52 Zv im si vnmvtec sprach
7,53 alda in dem kore
7,54 “Eya dv rechter tore
7,55 Wes wilt u lazen dich gezemen
7,56 Vn- ein ander brut nemen
7,57 Dar an wilt u mich smehen
7,58 Vn- gar vervnwehen
7,59 Dine kvschlichen cleit
7,60 soldes tu mit werdekeit
7,61 Behalden gar in aller macht
7,62 Sus hetes tu dich vor bedacht
7,63 nv wilt u verandern dich
7,64 Vn- eine brut vber mich
7,65 an dine liebe nv zien
7,66 Sus wilt u hin von mir vlien
7,67 Daz ist vil effenlich ein dinc”
7,68 Do erschrac der iungelinc
7,69 D es war harte sere
7,70 Er nam di widerkere
7,71 So hin zv der wirtschafft
7,72 War an daz h’ze im was behaft
7,73 Daz machte er niman kvnt
7,74 Dar nach an der abentstvnt
7,75 Do man zv bette in vurte
7,76 Sin alde truwe in rurte
7,77 Di er zv marien truc
7,78 Daz er sich karte uf sulchen vuc
7,79 Wi er heimlich entqueme
7,80 Diz schuf wol der geneme
7,81 als im geriet sin wille
7,82 Er lief do in der stille
7,83 Zv eime clostere hin ab
7,84 Da er zvhant sich ouch begab

7,85 Mit tugentlicher reinekeit
7,86 Opferte er di kvscheit
7,87 Marien der vrouwen sin
7,88 Des si gelobet di kvnigin

8,1 An kvnstlichem prise
8,2 Was ein pfaffe vnwise
8,3 Ich meine an vzerre kvnst
8,4 Idoch an tugende vernvnst
8,5 Waren im die sinne scharf
8,6 Dar uf er ie sin h'ze warf
8,7 Daz er zv marien truc
8,8 Grozer liebe vil genvc
8,9 Dar inne er zv allen ziten bran
8,10 Dirre selbe gute man
8,11 Von den messen gemeinen
8,12 Hielt sich an di einen
8,13 als sin einvalt in twanc
8,14 "Salve sancta parens" sanc
8,15 Diz was di messe di er treib
8,16 an der er alle tage bleib
8,17 Vn- wolde ouch stete an ir wesen
8,18 Beide singen vn- lesen
8,19 Was im di messe wol bereit
8,20 Diz mere wart von im so breit
8,21 Daz ez der bischof vernam
8,22 Der des groblich erquam
8,23 Wand er ouch nach im sante
8,24 Sinen zorn er wante
8,25 Vf in mit harte grozer craft
8,26 alle siner pristerschaft
8,27 Hiez er in gentzlich vri wesen
8,28 Weder singen noch lesen
8,29 Wand ez gar missezeme
8,30 Daz er sich an neme
8,31 an der pristerschaft so leben
8,32 Im was eine pfarre gegeben
8,33 Di nam im ouch der bischof
8,34 Beide hus vn- hof
8,35 Liez er nicht im bliben
8,36 Wand er wolde in v'triben
8,37 als einen rechten narren
8,38 Von aller hande pfarren
8,39 Vn- vz dem genieze lan
8,40 Der prister der gute man
8,41 Wart vil leidec vnde vnvro
8,42 Daz er verstozen was also
8,43 Von alle sime gemache

8,44 Dvrch di selbe sache
8,45 an vnse vrouwe er vaste rief
8,46 Do sus di zit hin gelief
8,47 Vn- zv ir halb di nacht genam
8,48 Maria di vrouwe quam
8,49 Zv dem bischoue do er lac
8,50 an slafe gemaches pflac
8,51 In sime troume diz geschach
8,52 Ernstlich si zv im sprach
8,53 als si vnmvtec were
8,54 “Sage mir durch welche mere
8,55 Has tu minen capellan
8,56 So betrubet von dir gelan
8,57 Vn- im sin ere genvmen
8,58 Der an min dienst ist bekvmen
8,59 Vn- dar an wol v’vlizzen
8,60 Dv salt v’ war daz wizzen
8,61 Dv en gebest im di ere wider
8,62 Daz din ere lit dar nider
8,63 Beide lib vnde leben
8,64 Mvst u gentzlich ergeben
8,65 Binnen disen drizec tagen”
8,66 Den bischof wart di angest iagen
8,67 Daz er da von erwachte
8,68 Zvhant er sich uf machte
8,69 Vn- sante nach dem prist’ hin
8,70 Mit demut viel er vor in
8,71 Vn- sprach “mir ist nicht wol geschen
8,72 als ich mit warheit habe gesehen
8,73 Vergib mir mine- vbeln mvt
8,74 Vn- habe dir wider alle din gut
8,75 Pfarre vnde pfafheit
8,76 Vn- dar zv gantze vriheit
8,77 Idoch in sulcher miete
8,78 Daz ich dir nv gebiete
8,79 Von disme tage vurbaz
8,80 Salt u behalden immer daz
8,81 Des ich dich gar wil vrien
8,82 Daz dv di schonen marien
8,83 Erest mit der messe allein
8,84 Vor die andern gemein
8,85 als du biz her hast getan”
8,86 Do wart vro der gute man
8,87 Vn- dancte der vrouwen gut
8,88 Daz si in hete wol behut
8,89 an erbe vn- an dem amte sin
8,90 Des si gelobet di kvnigin

9,1 Sycilia ist ein lant
9,2 Mit sime name- so genant
9,3 Dar i-ne was als ma- saget
9,4 Ein schuler wol uf betaget
9,5 Der den rechte- wec verlie
9,6 Wand er mit svnde- vmme gie
9,7 Dar inne er besulwet lac
9,8 Idoch swi er vil svnden pflac
9,9 Die in heten gebogen
9,10 Doch was daz h'ze im gezogen
9,11 Zv marien der svzen
9,12 Di er pflac ofte gruzen
9,13 Wand er ir grozer liebe iach
9,14 Da bi er vil mit svnden brach
9,15 Vn- erzvrnete also got
9,16 Daz er sin heilic gebot
9,17 V'warf . vn- in svnden lief
9,18 Z ei mal lac er vn- entslief
9,19 Do troumte im harte swere
9,20 In duchte wi er were
9,21 Vor got an sin gerichte kvmen
9,22 Vn- horte grozen vnvrumen
9,23 Der uber in alda geschach
9,24 Got zv sinen heiligen sprach
9,25 "Ey nv saget mir welch recht
9,26 Sal haben dirre bose knecht
9,27 Dem ich so vil han v'tragen
9,28 In hat di svnde also v'slagen
9,29 Daz er mit willen ist gereit
9,30 In ieglicher bosheit
9,31 Besuln den lib vn- den sin"
9,32 Die heiligen sprachen wider in
9,33 "Herre gewaldiger got
9,34 Er hat so vil in din gebot
9,35 Gebrochen . daz des wol ist zit
9,36 Ob sin leben dr an gelit
9,37 Gib in mit vrteile
9,38 Zv dem vnheile
9,39 Dar nach sin svndec h'ze lam"
9,40 als daz maria vernam
9,41 Di muter aller truwe
9,42 Machte alda nuwe
9,43 Irre grozen tugende recht
9,44 Vn- gedachte an iren knecht
9,45 Der si vil ofte gruzte
9,46 Sin leit si im wol buzte
9,47 Vn- machte im alle sorge blint
9,48 Si sprach wider ir liebez kint

9,49 “Ey lieber svn tv so wol
9,50 Gewere mich als ich biten sol
9,51 Vur diz me-sche daz hi stat
9,52 Daz din vrteil v’tvmet hat
9,53 Zv der helle glute
9,54 Sich an dine gute
9,55 Daz dv so rechte gut bist
9,56 Gewere mich in dirre vrist
9,57 Vn- lenge ein wenic im sin leben
9,58 Wil er di svnde nicht begeben
9,59 Vn- sich nicht zv dir keren
9,60 So salt u an im meren
9,61 Swi dir behage dinen zorn”
9,62 “Sich” sprach er “nv han ich v’korn
9,63 Dvrch dich liebe mvter min
9,64 Daz er v’tvmet solde sin
9,65 als ein vnnvtze vaz
9,66 Ich wil in vristen vurbaz
9,67 Ob er sich vmme kere
9,68 Mich vnd dich dr an ere
9,69 Daz er sich baz v’sinne”
9,70 Do neig di kvniginne
9,71 Gein im mit grozer werdekeit
9,72 Daz sin zorn was hin geleit
9,73 als sin tugent in lerte
9,74 Maria sich do kerte
9,75 Kegen dem schuldigen man
9,76 “Ey” sprach si “nv sich dar an
9,77 Wi dir genade ist geschen
9,78 Dv salt mit vlize besehen
9,79 Daz dv von allen svnden vlies
9,80 Vn- din leben vf tugende zies
9,81 Tus tu des nicht . wizze daz
9,82 Dir hilfet niman vurbaz
9,83 Vntz dir kvmt ein leider slac”
9,84 Der rede er also hart erschrac
9,85 Daz er da von entwachte
9,86 Vil balde er sich uf machte
9,87 Vn- dancte siner vrouwen
9,88 Er liez vil gentzlich schouwen
9,89 Daz im was leit di svnde
9,90 Zv einem vrkvnde
9,91 Er luterlichen bichte
9,92 Do er sich wol entlichte
9,93 Zv eime closter balde er vur
9,94 Da er sich inne v’swur
9,95 Vn- ouch mit tugende- stete bleib
9,96 Sin zit er nvtzlich v’treib

9,97 Dvrch di lieben vrouwe- sin
9,98 Des si gelobet di kvnigin

10,1 "Aue maria" ist ein gebet
10,2 Swer daz ie mit vlize tet
10,3 Vn- noch hute in vlize tut
10,4 D es war des lon ist harte gut
10,5 Wand di liebe kvnigin
10,6 Maria di vrouwe min
10,7 In rechter zit im lonet
10,8 Sin wirt ouch geschonet
10,9 Da er es allerbest bedarf
10,10 Diz gebet ist also scharf
10,11 Daz ez vil vntugende
10,12 Nemelich in der iugende
10,13 abe den luten snidet
10,14 Der tuvel von im lidet
10,15 D es war leides harte vil
10,16 als ich ein teil vch sagen wil
10,17 In eime closter was ein man
10,18 Der hete mvnches cleider an
10,19 Vn- truc vzene daz leben
10,20 Sin h'ze was vil vnbegeben
10,21 an dem den orden kvset got
10,22 Von der brudere gebot
10,23 Pflac er di metten luten
10,24 Vn- daz zeichen duten
10,25 Dar nach man sanc vn- las
10,26 Ein harte valscher mvnch er was
10,27 Wand er als ein tv-ber gief
10,28 Des nachtes zv den luten lief
10,29 So er des mochte haben state
10,30 Eine gewonheit er hate
10,31 Der er gewon was zv pflege
10,32 Daz er ie in dem selben wege
10,33 Vnser vrouwen bilde neig
10,34 Vn- da bi nicht gesweig
10,35 Er en spreche ein ave maria
10,36 Eines nachtes qua- er da
10,37 aber uf sinen bosen wec
10,38 Vber ein wazzzer lac ein stec
10,39 Dar vf sin trit geburte
10,40 Der tuvel zv schurte
10,41 Vntz im der vuz hin abe entgleit
10,42 Im entstvnt ein michel leit
10,43 Wand er viel nider . vn- ertranc
10,44 Vil scharf was der anevanc
10,45 Den di sele an vorchten nam

10,46 Ein michel her vo- tvueln quam
10,47 Die sich der sele an namen
10,48 Die heiligen engele ouch quamen
10,49 Vn- warten ires teiles
10,50 Des menschen vnheiles
10,51 Waren die tuvele harte vro
10,52 Vn- sprachen zv den engeln so
10,53 “Waz ist uwer gewerben
10,54 an disses menschen sterben
10,55 Er ist vnser da er lit
10,56 Wand er pflac des alle zit
10,57 Daz er mit svnde- vmme gie
10,58 In den er ist erstorben hie
10,59 Hi von ist sin gevelle
10,60 Von rechte vntz in di helle”
10,61 Die engele sich s do verzigen
10,62 Der antwurte sie geswigen
10,63 Wand die tuvele heten war
10,64 Er was mit svnden kvme- dar
10,65 Secht do machte vns nuwe
10,66 Maria di getruwe
10,67 Daz si den wil bi gestan
10,68 Die svnderlichen vliz han
10,69 In ir dienste alle zit
10,70 Ob der me-sche wol in svnden lit
10,71 Vn- doch di kvniginne
10,72 In etelichem sinne
10,73 Da bi mit truwen eret
10,74 Ir tugent si daz leret
10,75 Daz si im in rechter not
10,76 Ez si in leben oder in tot
10,77 Ir helfe mvz ie leisten
10,78 Si quam zv disen geisten
10,79 Da si den vrunt in noten sach
10,80 Vil ernstlich si zv in sprach
10,81 Mit gewaldes volleiste
10,82 “Wa nv ir vbeln geiste
10,83 Wi tvrret ir beruren
10,84 Di sele . vn- indert vuren
10,85 als ich wol an vch schouwe”
10,86 Do sprachen sie . “o vrouwe
10,87 Wir tvn der sele harte recht
10,88 Wand er als ein valscher knecht
10,89 Den lib mit svnden hat volant”
10,90 Do sprach di vrouwe san zvhant
10,91 “O . des sult ir nicht sprechen
10,92 Ich mac wol vnderbrechen
10,93 Mit rechter warheit den strit

10,94 Wand er pflac des alle zit
10,95 als er an disen wec quam
10,96 Daz er vrloub zv mir nam
10,97 Vn- neig kein mine- bilde
10,98 Da bi in nicht bevilde
10,99 Er en gruzte alda mich
10,100 Mit sime gruze vru-tlich
10,101 Den ich von im dicke nam
10,102 Zvhant als er wider quam
10,103 Gruzte er mich aber . vn- neig”
10,104 Der tuvele craft hi mite sweig
10,105 Do sprach di vrouwe . “vf daz ir
10,106 Gedenket mvget icht zv mir
10,107 Daz ich vch wolle tvn gewalt
10,108 So laze wir mit einvalt
10,109 an den richter di sache
10,110 Vn- swaz er dr uz mache
10,111 Des sul wir halden vns gewert”
10,112 Des wart ouch von in begert
10,113 Do sprach der hoste richter got
10,114 Sin wille were vn- sin gebot
10,115 Dvrch sine mvter minnesam
10,116 Di sich der sele an nam
10,117 Daz di sele queme
10,118 Vn- den lib wider neme
10,119 Wolde er bezzern sin leben
10,120 So solde ma- di vreude im geben
10,121 Were aber daz er in svnden
10,122 Di bosheit wolde ergrvnden
10,123 Vn- besvlt dar inne wesen
10,124 So solde er bliben vngenesen
10,125 Er mvste nach des libes tot
10,126 Hin in di ewigen not
10,127 Vn- da besitzen di glut
10,128 “Daz urteil ist gewesen gut”
10,129 Sprach die vrouwe san zvhant
10,130 nv was di zit ouch volant
10,131 Daz die mvnche hetten
10,132 Geslafen biz zu r metten
10,133 Niman zoch di glocken
10,134 Die daz lut solden locken
10,135 Zv r kirchen nach gewonheit
10,136 Ir swigen wart do hin geleit
10,137 Wand sie hin vnde her
10,138 Suchten iren glockener
10,139 als in do wol geburte
10,140 Zv r tvr vz man in spurte
10,141 Man gienc im nach vntz ma- in sach

10,142 Ertrvnken ligen in der bach
 10,143 Diz was in v-mazen leit
 10,144 Doch was in allen v'seit
 10,145 Di sache di in vz treib
 10,146 Nicht lange er da ligen bleib
 10,147 Sie zvgen in vz vf daz stat
 10,148 Des volkes vil hin zv trat
 10,149 Vn- clagete sin vngemach
 10,150 Binnen des vn- diz geschach
 10,151 Daz sie in clageten allermeist
 10,152 Do erquicte sich sin geist
 10,153 Von vnsers h'ren gebote
 10,154 alle die gesamte rote
 10,155 Nam des michel wunder
 10,156 Sie vrageten albesvnder
 10,157 Wi im geschen were
 10,158 Do sagete er in die mere
 10,159 Gentzlich durch waz er vz quam
 10,160 Vn- wi er sinen tot nam
 10,161 Vn- wi di reine kvnigin
 10,162 Im were in den noten sin
 10,163 Getrulich zv helfe kvmen
 10,164 als sie heten diz v'nvmen
 10,165 Do lobeten sie alle got
 10,166 D' bruder liez der svnden spot
 10,167 nach tugende er mit vlize warb
 10,168 Dar inne er seliclichen starb
 10,169 Vn- quam hin zv der vrouwe- sin
 10,170 Des si gelobet di kvnigin

11,1 Ouch was da bi in einer stat
 11,2 Ein schuler der so hin trat
 11,3 Vf svndeclichen strazen
 11,4 Er wolde vngerne lazen
 11,5 Sinen willen vnvollbracht
 11,6 Der uf svnde was gedacht
 11,7 als er des mochte haben state
 11,8 Ein tugent er da bi hate
 11,10 Vor vnser vrouwen bilde er gie
 11,11 Da viel er vffe sine knie
 11,13 alle tage . daz geschach
 11,14 Harte lieplich er sprach
 11,15 alda sin aue maria
 11,16 Nv geburte sich z dar na
 11,17 als sine viende vientlich
 11,18 Dar vf wol berieten sich
 11,19 Sie wolden in zv tode erslan
 11,20 Diz liezen sie ouch vollengan

11,21 Daz sie in tot slugen
11,22 Nach disen vnvugen
11,23 Was den vrunden leit genvc
11,24 Den toden licham man truc
11,25 Svnder messe svnder recht
11,26 als einen vnnvtzen knecht
11,27 Vn- grub in vf dem velde
11,28 Mit sulchem widergelde
11,29 Lonten sie den svnden
11,30 Den magen vn- den vrunden
11,31 Was allen wol von im bekant
11,32 Wi sin leben was gewant
11,33 Vf alsulche bosheit
11,34 Daz im zv rechte was v'seit
11,35 Cristenliche bigraft
11,36 Daz lut was in den wan behaft
11,37 Er were nv in der helle clage
11,38 Dar nach vber drizec tage
11,39 Di vrouwe ob allen vrouwen
11,40 Maria liez beschouwen
11,41 Daz si mit helfe dem gestat
11,42 Der ir ie icht gedienet hat
11,43 In etelicher andacht
11,44 Si wisete sich in der nacht
11,45 Eime reinen mvnche gut
11,46 Mit allen tugenden wol behut
11,47 Der wol in gotes wegen trat
11,48 Diz was in der selben stat
11,49 Da bi der me-sche was begraben
11,50 Do ir der mvnch hete entsaben
11,51 Vn- si mit sinem gruze entpfie
11,52 Do sprach di vrouwe "ir habet alhie
11,53 Kein mir ein teil missetan
11,54 Wand ir minen dienstman
11,55 Vf daz velt habet geleit
11,56 Zwischen im vn- der cristenheit
11,57 Machet ir ein vnderscheide"
11,58 Do wart dem mvnche leide
11,59 "Sag an vrouwe min sag an"
11,60 Sprach er . "wer ist dirre man
11,61 Vrouwe mi- daz ist wol recht
11,62 Swa wir wizzen dine- knecht
11,63 Den sal ma- durch dich eren
11,64 Vn- dr an din lob meren
11,65 In den landen verre hin"
11,66 Do sprach di vrouwe wider in
11,67 "Ez ist der . der vor drizec tagen
11,68 Hi zv tode wart erslagen

11,69 Vn- dar nach vffe z velt geleit
11,70 Er hete eine gewonheit
11,71 Di mir wol von im tet
11,72 Daz er dicke sin gebet
11,73 Sprach vor minem bilde
11,74 Da mite in nicht bevilde
11,75 Er en viele vf sine knie
11,76 Mit grozer andacht er sich lie
11,77 Vf die hende kegen mir
11,78 Sin gruz qua- wol nach miner gir
11,79 Den er mir dicke vn- dicke bot
11,80 E . er wurde erslagen tot
11,81 Diz salt u beduten
11,82 Dvrch gut den andern luten
11,83 Sprich daz ma- sin schone habe
11,84 Vn- vf den kirchof in grabe”
11,85 Hi mite ir wort ein ende nam
11,86 als der vru morgen quam
11,87 Der gute man daz lut rief
11,88 Manic me-sche dar zv lief
11,89 Wand er in gentzlich vnd’schiet
11,90 als im vnse vrouwe riet
11,91 Von dem . der vf dem velde lac
11,92 Do ez quam vf schonen tac
11,93 Die lute giengen an sin grab
11,94 Vn- schurren vaste so hin ab
11,95 Di erde vntz vf den licham
11,96 Ein wunder man alda v’nam
11,97 Daz ieglich an im wol sach
11,98 Do man di laden vf brach
11,99 Man vant da eine blvmen
11,100 Vrisch vf sime gvmen
11,101 Ligen in sinem mvnde
11,102 Da bi man ouch begynde
11,103 an im sin zvnge schouwen
11,104 Di was so vnverhouwen
11,105 Von aller vnvlate
11,106 Varwe vnde blut si hate
11,107 So vrisch behut vor aller not
11,108 als ob der me-sche nie were tot
11,109 Des nam sie michel wunder
11,110 Do pruweten sie dar vnder
11,111 Daz di blvme vn- daz gelit
11,112 Da legen svnder vulen trit
11,113 Daz were gar von dem gebete
11,114 Daz er mit der zvngen hete
11,115 Vnser vrouwen erboten
11,116 Mit vil erlichen roten

- 11,117 Vn- mit lobes schalle
11,118 Brachten sie do alle
11,119 Vf den kirchof den lichamen
11,120 In vnser lieben vrouwen name-
11,121 Begruben sie mit werde
11,122 In . vf gewiheter erde
11,123 In der cristenheite schrin
11,124 Des si gelobet di kvnigin
- 12,1 NOch sult ir horen hi vnder
12,2 Ein harte schone wunder
12,3 Wi maria di gute
12,4 In lobelicher hute
12,5 Ire vrunt in noten halden kan
12,6 Ez was ein abt ein guter man
12,7 Der in ein tugentlichez leben
12,8 Sich mit willen hete ergeben
12,9 Vn- des getruwelichen pflac
12,10 Vil nahen im zv h'zen lac
12,11 Maria di vrouwe gut
12,12 Wort . werc . vn- mvt
12,13 In ir liebe er wante
12,14 Dar inne er stete brante
12,15 Wand er ez willekvrte
12,16 Z ei mal ez sich geburte
12,17 Daz in mit luten genvc
12,18 Ein schif vber mer truc
12,19 Die vf dem wege liden not
12,20 Ein stvrmweter sich in bot
12,21 Mit sulches windes vlagen
12,22 Daz ir genvge lagen
12,23 als ob sie weren tot geslagen
12,24 Der stvrm begonde z schif iagen
12,25 Beide wider vnde vort
12,26 Daz wazzer lief in den bort
12,27 an grozen vnden vf erhaben
12,28 Sie wanten alle besnaben
12,29 Von zwiuel als die veigen tvnt
12,30 Der stvrm lange ob im stvnt
12,31 Vn- herte an mit grozer macht
12,32 Binnen des in einer nacht
12,33 Wart daz weter also groz
12,34 Vn- gab dem kile sulchen stoz
12,35 Daz die lute liezen ligen
12,36 alle ir dinc vn- sich z verzigen
12,37 Von der vnden loufen
12,38 Dachte sie besoufen
12,39 Ir leben . vn- daz neigen

12,40 Sie stvnden als die veigen
12,41 Die gewis den tot haben
12,42 Die hende ieglicher hete erhaben
12,43 Da mite er in den himel schrei
12,44 Idoch truc ir geschrei entzwei
12,45 Dirre an nicolaum
12,46 Iener schrei an petrum
12,47 So rief der an andream
12,48 Vnde der an katherinam
12,49 Ieglicher vmme helfe sprach
12,50 Den . an dem er sich v'sach
12,51 Daz er im helfe solde geben
12,52 Vn- den sin wille vn- sin leben
12,53 Besvnder vz den andern las
12,54 Swaz der wazzerheiligen was
12,55 Die man an rufet vf dem mer
12,56 Den wart nach helflicher wer
12,57 Vil gelubdes getan
12,58 Do der abt der gute man
12,59 Di zwitracht gehorte
12,60 Di an der lute worte
12,61 an manigen heiligen bat
12,62 Mitten in daz schif er trat
12,63 "O" sprach er lieben lute
12,64 Vernemt waz ich vch dute
12,65 Ez ist gut daz ir tut
12,66 Idoch tut ein bezzer gut
12,67 Sit daz wir von den heilige- roten
12,68 Zv gote wollen senden boten
12,69 Die vnser leben vesten
12,70 So sul wir nemen die besten
12,71 Der gotes willen neiget
12,72 Daz er balde vns zeiget
12,73 Siner barmvnge willen
12,74 Vn- let daz wazzer stillen
12,75 Daz mit so grozer vnde
12,76 Vf vns durch vnser svnde
12,77 an disme stvrme ist gesant
12,78 Wol wir di not han volant
12,79 So sul wir alle schrien
12,80 an gotes muter marien
12,81 Di durch vns den name- treit
12,82 "Mvter der barmh'zekeit"
12,83 Di ist vns ein gewisser bote
12,84 nach helfe zv dem gute- gote
12,85 Vn- mac wol semften vnser not
12,86 Daz volc sich do gemeinlich bot
12,87 an di edeln gotesbrut

12,88 Sie schrieten alle uberlut
12,89 nach helfe di vrouwen an
12,90 als des nicht lange was ergan
12,91 Secht do liez aber schouwen
12,92 Di vrouwe ob allen vrouwen
12,93 Daz ir helfe ist bereit
12,94 Den . die mit innekeit
12,95 Si getrulichen loben
12,96 Vf dem maste dar enboben
12,97 Ein vakeln liecht so schone qua-
12,98 Daz di trube gar benam
12,99 Di sich e . ob dem schiffe truc
12,100 Vil witen sich alvmme sluc
12,101 Daz liecht von dem maste
12,102 Bi disme schonen glaste
12,103 Gesahen sie nv alle wol
12,104 Des wart ir h'ze vreuden vol
12,105 Die grozen stvrmwinde
12,106 Die e . mit voller swinde
12,107 Vf dem schiffe lagen
12,108 Vnd der vnden vlagen
12,109 Begonden sich wol neigen
12,110 Die vorchtigen die veigen
12,111 Wurden erquicket vn- vro
12,112 Vil linde wart ir weter do
12,113 Vn- als der morgen uf trat
12,114 Do qua- daz schif an daz stat
12,115 Da hin ir wille was gewant
12,116 Vur war wart in do bekant
12,117 Daz sie in cleiner wile
12,118 Manige starke mile
12,119 Gerichte waren zv bekvmen
12,120 Des libes vn- des gutes vrumen
12,121 Dancten sie der vrouwen gut
12,122 Wand sie waren wol behut
12,123 Von ir . als offentlich wart schin
12,124 Des si gelobet di kvnigin

13,1 Allein ez eische daz recht
13,2 Daz ein ieglich gotesknecht
13,3 Si alle zit gebvnden
13,4 Vnd ouch in allen stvnden
13,5 Dar zv daz er marien lobe
13,6 Idoch sal er behalden dr obe
13,7 Den svnnabent albesvnder
13,8 Dvrch ein schone wunder
13,9 Daz ist in einer stat alda
13,10 Constantinopolitana

13,11 also ist si genant
13,12 Sie machent werlich bekant
13,13 Die gewesen sint dar bi
13,14 Daz ein mvnster alda si
13,15 Gewihet in vnser vrouwe- name-
13,16 Nach der vrouwe- lobesamen
13,17 Dar in ein bilde ist gesat
13,18 So offenbar an ein stat
13,19 Daz die man vn- die vrouwen
13,20 Daz bilde mvgen schouwen
13,21 Swe-ne ez in wirt gewiset bloz
13,22 Si hat daz kint in der schoz
13,23 als der meister wolde
13,24 Von varwe vn- von golde
13,25 Ist dr an geleit michel ruch
13,26 Ein edel breit sydin tuch
13,27 Vor dem bilde hanget
13,28 Niman daz erlanget
13,29 Der ez turre grifen an
13,30 Vn- icht gezihen so hin dan
13,31 Oder mvge beschouwen
13,32 Daz bilde vnser vrouwen
13,33 Dan als di stvnde gelit
13,34 Daz sich z selbe schouwen git
13,35 Vritages nach der none
13,36 als di svnne schone
13,37 Sich neiget an ir vnderganc
13,38 Vn- ma- hebet den gesanc
13,39 Daz vnser vrouwe- vesper ist
13,40 Zvhant in der selben vrist
13,41 Pflit sich daz tuch uf erheben
13,42 Dikein me-sche kan entseben
13,43 Wer ez zihe . vn- wer ez halde
13,44 ane aller hande valde
13,45 Ez von im selber vf get
13,46 Daz bilde also bloz stet
13,47 So mac ez schouwe- wer da wil
13,48 Wand ez stet bloz ein langez zil
13,49 Vntz uf den svnnabent hin
13,50 an der vesper begin
13,51 Di da horet an den svntac
13,52 Zvhant man aber schouwe- mac
13,53 Wi sich daz tuch nider let
13,54 Vn- daz bilde vbervet
13,55 Bedecket vnde behullet
13,56 Vntz sich di woche ervullet
13,57 Daz der vritac ist kvmen
13,58 So wirt daz tuch vf genvmen

- 13,59 Vntz an den svnnabent sider
13,60 Nach none let ez sich dar nider
13,61 Hi sal man schouwen inne
13,62 Wi di kvniginne
13,63 Durch daz selbe wunder
13,64 Den svnnabent besvnder
13,65 Von vns wil geeret wesen
13,66 Swer ewiclichen wil genesen
13,67 Vn- dort di vrouwe schouwen
13,68 Der habe ot lieb di vrouwen
13,69 Vn- wende ir dienstlichen mut
13,70 O . ia ist si also gut
13,71 Daz ir v-mazen wol tut
13,72 als wir von ir sin behut
13,73 Vn- vns in iren dienst zihen
13,74 Swer allem leide wil entvlien
13,75 Vn- in alle vreude kvmen
13,76 D es war dem mac si wol gevrumen
13,77 Mit irre schoz der mildekeit
13,78 Si ist ein wec der sicherheit
13,79 Vn- ein gewis leitestern
13,80 Si ist grozer suze ein kern
13,81 Di himelkeiserinne vri
13,82 Ist iren vrunden stete bi
13,83 In noten . daz wol vuge hat
13,84 Vf gantze helfe get ir rat
13,85 Si kan die vrunt bedenken
13,86 Vn- ir herze trenken
13,87 Mit liebe . vn- ervuchten
13,88 Si kan den sin erluchten
13,89 an hitze grozer tugende schin
13,90 Des si gelobet di kvnigin
- 14,1 NOch sult ir horen vurbaz
14,2 Wi daz genaden riche vaz
14,3 Maria di vil gute
14,4 Di edele wol gemute
14,5 Genade al volguzet
14,6 Des si nicht verdruzet
14,7 allen den . die iren namen
14,8 Den erlichen lobesamen
14,9 Getrulichen nennen
14,10 Vn- si da vur erkennen
14,11 Daz si wil helfen vn- mac
14,12 Ez was ein ritter der pflac
14,13 als noch manic arm ritter pflit
14,14 Vf dem groz gesinde lit
14,15 Der nicht groze gulde hat

14,16 Vn- doch nicht gerne lat
14,17 Er en wolle grozlichen leben
14,18 Vn- stete in dem vollen sweben
14,19 Des mvz er dicke reisen
14,20 Vf witewen vn- vf weisen
14,21 Den er ist vil bitter
14,22 alsus was der ritter
14,23 Zv r werlde gar v'mezzen
14,24 Vf einer burc gesezzen
14,25 an gesinde vberladen
14,26 Da mite er tet groze- schaden
14,27 Vf walden vn- vf strazen
14,28 Swaz ir dar v-me sazen
14,29 Den was er leider nachgebur
14,30 Vn- ein also herter schur
14,31 Daz sie mvsten swachen
14,32 Bi alle disen sachen
14,33 So hete er eine groze tugent
14,34 an im geheget von der iugent
14,35 Di im zv vreuden vz ergie
14,36 Nimmer einen tac er lie
14,37 Er en gruzte ie mit lobe
14,38 Gotes mvter . vn- dar obe
14,39 Viel er nider an die knie
14,40 Entweder dort oder hie
14,41 "aue maria" er sprach
14,42 Swi vil man in bekv-mert sach
14,43 So en nam di vnmvze
14,44 In nimmer von dem gruze
14,45 Wand er dar inne stete bleib
14,46 Da bi er vil vbels treib
14,47 Vn- was stete ouch dar an
14,48 Z ei mal solde ein guter man
14,49 Ein mvnch ane svnden vlec
14,50 Wandern vor di burc den wec
14,51 als im do geburte
14,52 Ir gewonheit zv schurte
14,53 Die vf dem huse lagen
14,54 Vn- des amtes pflagen
14,55 Struten vnde luden
14,56 Hin nider vz den bvden
14,57 Liefen do die knappen
14,58 Sie namen im di kappen
14,59 Vn- swaz sie mochte- im genemen
14,60 Beide vurchten vn- schemen
14,61 Was in gentzlich entgan
14,62 Do bat si der gute man
14,63 Daz sie gotes gedechten

14,64 So vil vn- in brechten
14,65 Vor iren h'ren . diz geschach
14,66 D' gute man do zv im sprach
14,67 Swi sie ez heten gar vur spot
14,68 "Herre tu ez nv durch got
14,69 Vn- gewere mich einer bete
14,70 Gebut daz her vur mich trete
14,71 allez din gesinde
14,72 Swaz man des indert vinde
14,73 Vf dirre burc vnder dir
14,74 Sprich daz sie gehoren mir
14,75 Ich wil von gote ein teil in sagen"
14,76 Dem h'ren wart ez wol behagen
14,77 Er sprach . "din wille sal geschen
14,78 Ich wil gerne hi besehen
14,79 Ob dv icht schaffes gutes vrume-"
14,80 Do hiez er drate vor sich kvmen
14,81 allez daz da was gesamt
14,82 Bekv-mert oder svnder amt
14,83 Do daz gesinde v'nam
14,84 Des h'ren wort . zvhant ez quam
14,85 Gesamt vur den mvnch hin
14,86 Sin dvrsichtec heilic sin
14,87 En sach nicht den er iagete
14,88 Zv me herren er do sagete
14,89 "Sie en sint nicht kvmen alle
14,90 Ob ez dir wol gevalle
14,91 So laz der knechte war"
14,92 Do sprach gemeinlich di schar
14,93 "D es war dv tust vns vnrecht
14,94 Iegliche- vnsers h'ren knecht
14,95 Macht u schouwen alhi stan"
14,96 Do sprach zv in der gute man
14,97 "Ey nv habet ez nicht vur spot
14,98 Get suchet durch den richen got
14,99 Wan hi gebrichet etewes"
14,100 Do rief zv im vnder des
14,101 alsus ir einer von der schar
14,102 "Ia werlichen dv hast war
14,103 Der kemerer mines herren
14,104 Machet vns disen werren
14,105 Wand er sich heimlich hat behut"
14,106 "Ia" sprach der mvnch gut
14,107 "Der ist ez den ich wolde haben"
14,108 als des der herre hete entsaben
14,109 Er hiez in drate brengen
14,110 Der kemerer wart do lengen
14,111 Den wec . wand er vngerne quam

14,112 als im do wol gezam
14,113 Idoch wart er bracht zv r rote
14,114 Do er den guten mvnch in gote
14,115 Vnder ougen gesach
14,116 Vber rucke er sich brach
14,117 Daz er ein teil besit weich
14,118 Sin antlitze wart im bleich
14,119 Daz gesichte er verkarte
14,120 Sin houbt also gebarte
14,121 als eime der nicht sinne hat
14,122 Vn- en weiz wi er gat
14,123 Do sprach der gute man zv im
14,124 “Hore mich knappe . vn- v’nim
14,125 Dv salt dich billich vor mich schame-
14,126 Ich gebiete in iesv cristi namen
14,127 Dem ich bin gehorsam
14,128 Daz dv nv mir sist alsam
14,129 alhi an disen sachen
14,130 Dv salt vns kvnt machen
14,131 Offenlich dv schanden vaz
14,132 Waz du sist . vn- durch waz
14,133 Dv hi so lange sist bliben
14,134 Vn- waz du woldest han getriben
14,135 Daz salt u gar vns wizzen lan”
14,136 als diz gesprach der gute man
14,137 Der kemerer di rede wac
14,138 So ho daz er ir erschrac
14,139 Vn- si in grobelich mvte
14,140 als ein vie er lute
14,141 an engestlicher stimme
14,142 Er schrei in eime gri-me
14,143 Vberlut vil sere
14,144 “Wafen immer mere
14,145 Daz dich din wec ie her getruc
14,146 Ich bin gebvnden so genvc
14,147 Von dir . daz ich den luten
14,148 Mvz alhi bedeuten
14,149 Waz ich bin . vn- waz ich iage
14,150 O we swan ich daz gesage
14,151 Da han ich nicht gewi-nes an
14,152 Ich bin ein tuvel . nicht ein man
14,153 In eines menschen bilde
14,154 Ich mich alhi v’wilde
14,155 Vnde bin gewesen al vur war
14,156 Bi dem ritter vierzehen iar
14,157 als er ouch wol selber weiz
14,158 Sines dienstes ich mich vleiz
14,159 Wand ez mir geboten was

14,160 Vnse meister sathanas
14,161 Hat mich zv im da her gesant
14,162 Wand er mit svnden ist geblant
14,163 Der er vil vn- vil begat
14,164 Eine tugent er an im hat
14,165 Di er let an im schouwen
14,166 Wand er di grozen vrouwen
14,167 Gruzen pfliget alle tage
14,168 Daz ist mir von im ein clage
14,169 Vn- ein alzu herte leit
14,170 Daz er der gewonheit
14,171 So stete sich hat an genvmen
14,172 Ich bin also zv im kvmen
14,173 an welchem tage ez were
14,174 Daz er den cruz v'bere
14,175 Des er pflit der vrouwen
14,176 So solde ich im verhouwen
14,177 Sin leben . vn- erwurgen in
14,178 nv sint die iar alle hin
14,179 Daz er nie liez eine- tac
14,180 als ich leider sprechen mac
14,181 Er en viele an den cruz
14,182 Hi von als ich bekennen mvz
14,183 Swi ez mir sal werden arc
14,184 So wart er kein mir also starc
14,185 Daz ich mit leide im nicht en qua-"
14,186 Do sus der ritter vernam
14,187 Wer dirre was . vn- wes er pflac
14,188 So sere im sin h'ze erschrac
14,189 Daz er wenic weste
14,190 Welch im was daz beste
14,191 Idoch do er sich versan
14,192 Er viel vor den guten man
14,193 Langes an di erde
14,194 "Hilf herre daz ich werde"
14,195 Sprach er . "des argen wichtes vri
14,196 Min leben si ouch swi ez si
14,197 Ich wil nach dinem rate
14,198 Mich enprechen drate
14,199 Von dem armen lebene
14,200 In dem ich so vnebene
14,201 alzv lange bin bestan"
14,202 Do sprach der mvnch der gute man
14,203 "O . boser kemerere
14,204 Valsch . vnd vngewere
14,205 In dem namen iesu cristi
14,206 Sal dise burc din wesen vri
14,207 Vare hin du boser geist

14,208 Mit diner argen volleist
 14,209 In den ewigen haz
 14,210 Dir si verboten vurbaz
 14,211 Daz dv immer tvrrest kvmen
 14,212 Zv des menschen vnvrumen
 14,213 Daz da pflit schrien
 14,214 nach helfe an marien
 14,215 Mit dinem vientlichen schaden
 14,216 Sal ez gar sin vnv'laden
 14,217 Dvrch di edeln vrouwe- gut
 14,218 Di mit rechter demut
 14,219 Ir truwe dar uf hat gewant"
 14,220 Der kemerer do verswant
 14,221 Daz sin niman wart gewar
 14,222 Der h're . vn- daz gesinde gar
 14,223 Bezzerten sich sere
 14,224 Nach des mvnches lere
 14,225 Wandelte ieglich sin leben
 14,226 Do wurden wider ouch gegeben
 14,227 Dem guten manne sine cleit
 14,228 Mit tugentlicher arbeit
 14,229 Hete er sie verdienet wol
 14,230 Er was ouch grozer vreuden vol
 14,231 Wand der arge sathanas
 14,232 Vf der burc geschendet was
 14,233 Sus quam er zv den brudern sin
 14,234 Des si gelobet di kvnigin

15,1 Zv der werlde edel ein man
 15,2 alsulchen willen gewan
 15,3 Daz er durch got wolde leben
 15,4 Reine . vnde sich begeben
 15,5 Dirre wille vollengienc
 15,6 Den grawen orden er entpfienç
 15,7 In dem clostere cytes
 15,8 Die mvnche sich v'svnnen des
 15,9 Daz dem edeln herren gut
 15,10 Nicht vugete ein sulche demut
 15,11 Daz er ein convers were
 15,12 Da was in ouch daz swere
 15,13 Daz er were in der pfafheit
 15,14 Wand im gentzlich was v'seit
 15,15 alle pfeffliche kvnst
 15,16 Der gute man was in der brunst
 15,17 Daz er nicht en achte
 15,18 Swaz man vz im machte
 15,19 Die pfaffen wurden des inein
 15,20 Er solde wesen ir gemein

15,21 Vnde noch di schrift leren
15,22 alsus wolden sie eren
15,23 Sin anegeborene edelkeit
15,24 Im wart di schrift vur geleit
15,25 Vn- ein meister gegeben
15,26 So was er vor al sin leben
15,27 In ritters wis worden alt
15,28 Vn- was der sin in im kalt
15,29 Zv dirre nuwen lere
15,30 an maniger hande kere
15,31 Sin meister im do vor las
15,32 Daz vmbstust doch an im was
15,33 Wand in di kvnst nicht en traf
15,34 alle die sinne im waren slaf
15,35 Der er zv r kvnst nicht en wielt
15,36 Niwan die zwei wort er behielt
15,37 aue maria vn- nicht me
15,38 Swi ez im selber tete we
15,39 So wolde ot nicht di kvnst in in
15,40 Diz ergreif sin herter sin
15,41 Daz ouch als mit buchstaben
15,42 Im in sin h'ze was ergraben
15,43 "aue maria" sprach er ie
15,44 Swaz er tet vn- swa er gie
15,45 So sprach er ie die zwei wort
15,46 Got aller selden ein volbort
15,47 Vn- rechter tugende ein minne
15,48 Liez der herten sinne
15,49 Den ritter nicht entgelden
15,50 Er wolde im wol v'gelden
15,51 Di werlt di er dvrch in lie
15,52 Do im sin leben abe gie
15,53 Er starb . vn- wart begraben
15,54 Dar nach vil schiere wart entsaben
15,55 Eines zeichens dar an
15,56 Den brudern kvnt wart getan
15,57 Wi im vergolden was sin habe
15,58 Ein lilie wuchs vz sime grabe
15,59 Di vf an schonen blvme- trat
15,60 an ein ieglichez blat
15,61 Was von goltbuchstaben
15,62 aue maria erhaben
15,63 Des nam die brudere wunder
15,64 Vn- gruben al hin vnder
15,65 Do sie quamen vf den grunt
15,66 Sie sahen im in sine- mvnt
15,67 Do was di wurtz der blvmen
15,68 Entsprvngen vf dem gvmen

15,69 In des menschen mvnde
15,70 Ieglicher do begvnde
15,71 Wunder alda schouwen
15,72 Vn- marien der vrouwen
15,73 Danken dirre grozen gift
15,74 Vn- der wunderlichen stift
15,75 Dar an si wisete iren knecht
15,76 “Eya” sprachen sie “nv secht
15,77 Ez ist vns offentlich wol kvnt
15,78 Daz er von allez herzen grvnt
15,79 Sprach mit grozer innekeit
15,80 Der zweier worte reinekeit
15,81 Dar an er tet daz beste
15,82 Vn- mit willen veste
15,83 Wolde er an der vrouwe- libe sin”
15,84 Des si gelobet di kvnigin

16,1 Ein meler hete scharfen sin
16,2 Vf sin amt dvrch gewin
16,3 Dar abe er erlich sich betruc
16,4 Den sin er vesteclichen sluc
16,5 Mit liebe vf vnse vrouwen
16,6 Daz liez er dicke schouwen
16,7 an tugenden mit den er ranc
16,8 Nv malte er eine- v-mehanc
16,9 Dar an sich geburte
16,10 als daz recht willekvrt
16,11 Di kvnigin di milde
16,12 Vn- ouch des tuvels bilde
16,13 nach der materien v-mesweif
16,14 Der meler an di kvnst greif
16,15 Mit vlize an allem sinne
16,16 Malte er di kvniginne
16,17 So er best immer konde
16,18 Dar nach er begonde
16,19 Den tuvel ouch dvrchstrichen
16,20 Er liez im nicht entwichen
16,21 Swaz er kvnst mochte haben
16,22 Vntz er der forme hete entsaben
16,23 Vf daz hoeste vngestalt
16,24 Des wart der tuvel harte balt
16,25 Vor zorn als sin erge in twanc
16,26 Vur den selben v-mehanc
16,27 Quam er zv dem guten man
16,28 “Ey” sprach er “nv sage an
16,29 Daz wolde ich gerne wizzen
16,30 Dvrch waz bist u vervlizen
16,31 Vf der vrouwen bilde

16,32 Daz dv mit schoner milde
 16,33 Si machest also vlizeclich
 16,34 Vn- also vngestellet mich
 16,35 Malest . als ich wol sprechen mac”
 16,36 Der gute man ein teil erschrac
 16,37 Idoch ermannete er drate
 16,38 Zvkegen der vnvlate
 16,39 Vil smelichen er do sprach
 16,40 “D es war dv bist also schwach
 16,41 So bese vnde so eislich
 16,42 Konde ich noch wirs gemalen dich
 16,43 Daz iesche an dir daz recht wol
 16,44 So ist min vrouwe tugende vol
 16,45 also schone vn- also gut
 16,46 Daz si mit aller kvnst min mvt
 16,47 Sal malen vf daz beste
 16,48 Ob ich icht schoners weste
 16,49 Dan ich gemalet han alhie
 16,50 Daz wolde ich legen noch an sie
 16,51 Dvrch ir wirdeclichez loben”
 16,52 Der tuvel wolde mit im toben
 16,53 Vn- in werfen her dan
 16,54 Secht do wart der gute man
 16,55 an vnse vrouwen schrien
 16,56 Daz bilde von marien
 16,57 Vor im an des tuches want
 16,58 Racte im hin di rechten hant
 16,59 Vn- enthielt in enpor
 16,60 Do vloch der tuvel balde vor
 16,61 Vn- liez den man an vride sin
 16,62 Des si gelobet di kvnigin

17,1 Ein closterhof so wite was
 17,2 Daz beide bovun vn- gras
 17,3 Dar inne stvnden genvc
 17,4 Wand sich verre alvmmme truc
 17,5 Sin v-merinc vn- sin ganc
 17,6 Ein vlutec wazzar na- den swanc
 17,7 Dvrch den hof al inmiten
 17,8 Dar abe nach gewenten siten
 17,9 Die lute lust entphiengen
 17,10 Ein teil mvnche giengen
 17,11 Dvrch ir lust so hin zv
 17,12 Eines morgens alz vru
 17,13 Vn- stvnden bi des wazzers louf
 17,14 Sie gaben couf vn- couf
 17,15 Schimfrede vnde itele wort
 17,16 Der von in vil wart gehort

17,17 Daz in der zit nicht hete vuc
17,18 Di wile sich diz wechsel sluc
17,19 an vil iteln Worten
17,20 Die mvnche alle horten
17,21 Ein schif daz wazzer uf kvmen
17,22 als sie heten v'nvmen
17,23 Offenlich den ruderslac
17,24 Ein ir ieglich erschrac
17,25 Vn- vrageten sa der mere
17,26 Wer dar inne were
17,27 "Wir sin tuvele" sprachen sie
17,28 "Vn- vuren des me-schen sele hie
17,29 Der dort zv sente gallen
17,30 Prabest was ob in allen
17,31 Vn- zv eime houbte gesat
17,32 Wand er nach vnsen willen trat
17,33 In der svnden haken"
17,34 Die mvnche sere erschranken
17,35 Sie begonden allen schrien
17,36 nach helfe an marien
17,37 "Sente maria nv hilf vns"
17,38 Sie liefen von des baches rvns
17,39 Daz sie icht arges griffe
17,40 Die tuvele in dem schiffe
17,41 Schrieten nach in vf ir vart
17,42 "D es war ir habet uch wol bewart
17,43 Daz ir riefet di vrouwen an
17,44 En were des selben nicht getan
17,45 So hete wir uch ertrenket
17,46 Vn- in den grvnt v'senket
17,47 Wand ir wilde mvnche sit
17,48 Vn- alhi vz der rechten zit
17,49 Kegen des ordens gebot
17,50 Tribet itelichen spot
17,51 Vn- dar zv vnnvtze wort
17,52 Dar an mit valsche ir sit bekort
17,53 Durch des h'zen itelkeit"
17,54 als sie daz heten vollenseit
17,55 Do vuren sie ir straze
17,56 Die mvnche hielden maze
17,57 Von sulcher rede . in sulcher zit
17,58 Der man zv vnrechte pflit
17,59 Gotes mvter dancten sie
17,60 Di in ir truwe bot alhie
17,61 Vn- wart in rechter not in schin
17,62 Des si gelobet di kvnigin

18,1 Zv r werlde was ein guter man

18,2 Der mit vlize began
18,3 Trachten uf di itelkeit
18,4 als di cranke werld treit
18,5 Daz si nimannes schonet
18,6 Glich in allen lonet
18,7 Den richen vn- den armen
18,8 ane aller hande erbarmen
18,9 Ist ir lon der herte val
18,10 In den tot hin zv tal
18,11 Ez ge dar nach ouch swi ez ge
18,12 Dem guten manne tet vil we
18,13 Daz maniger ir getruwete
18,14 Vn- uf di werlt buwete
18,15 als er immer solde leben
18,16 Der gute man wolde ergeben
18,17 Sich von der werlt . vn- bewarn
18,18 Den willen liez er vollenvarn
18,19 Vn- vur in eine wuste
18,20 Vf daz er alda mvste
18,21 In der einote rvn
18,22 Vn- mit im sine- willen tvn
18,23 an wachen . vasten . an gebete
18,24 Zv r werlde er vil gutes hete
18,25 Wan er was riche ein ritter
18,26 Diz wart im allez bitter
18,27 Beide herschaft vn- gut
18,28 Dvrch got wolde er armut
18,29 Hi uf erden liden
18,30 Vn- gar di lust v'miden
18,31 Swaz ir di werlt schenke- pflit
18,32 Er was in der ersten zit
18,33 Vil heiz . als man ouch hute
18,34 Vindet manige lute
18,35 Die zv m ersten brinnen
18,36 Wol veste in gotes minnen
18,37 Dvrch der consciencien tur
18,38 Di sie wol berigeln vur
18,39 Vnd an der wite mazen
18,40 Vn- nicht da dvrch lazen
18,41 Sie en wollen ez e . reinen
18,42 Des mvgen sie wol weinen
18,43 Wand in ist suze di vlut
18,44 Gebet . wachen . swaz man tut
18,45 Dar uf ist man v'vlizzen
18,46 Dar nach als die gewizzen
18,47 Ein teil beginnent vulen
18,48 Wand si an ir torsulen
18,49 Rucken in di wite

18,50 Daz wol hin durch glite
18,51 Bewilen ein michel stücke
18,52 So kvmt daz vngelucke
18,53 Daz itele wort werden balt
18,54 Vn- daz herze an genaden kalt
18,55 Hi von so hebet sich vngedult
18,56 Des h'zen bvrne wirt gevult
18,57 Mit erden an der werlde haft
18,58 Hi von zvrinnet di craft
18,59 Der alden herzen stoze
18,60 Der bach der ougen vloze
18,61 Ist sin vrsprinc vertreten
18,62 als der mensche solde beten
18,63 In rechter hitze daz ist kalt
18,64 Wand der svnnen gewalt
18,65 Ist mit wolkene vndernvmen
18,66 Dar v-me dicke zv im kvmen
18,67 Winde . sne . vnde regen
18,68 Die im besvln daz herze pflegen
18,69 Nach der viende willekvrn
18,70 Hi von sal ieglicher spvrn
18,71 In tugentlicher wende
18,72 Daz begin vnd daz ende
18,73 Wi er sich habe gevlizzen
18,74 In im der gewizzen
18,75 Swa di enger an im was
18,76 In der zit er baz genas
18,77 In im von bosen gesten
18,78 Swer sich noch wil vesten
18,79 Der sal mit gote vride han
18,80 Nv sprechen dort von iene- man
18,81 Der was zv m ersten heiz gnvc
18,82 Wand er groze liebe truc
18,83 an got . vn- an di himelrote
18,84 Idoch so hete er nach gote
18,85 Groze liebe an marien
18,86 Vil dicke pflac er schrien
18,87 In alle sines herzen gir
18,88 Mit sime lobe hin kein ir
18,89 Durch rechte liebe er des pflac
18,90 Dar nach uber manigen tac
18,91 Begonde er ein teil lazzen
18,92 Vn- liez sich vndervazzen
18,93 an dem herzen mit vulheit
18,94 Da vor was heiz di innekeit
18,95 Di was nv laz vnde kalt
18,96 Di consciencia in nicht schalt
18,97 Wand si was wider worden

18,98 Vmb den verkarten orden
18,99 Wolde si in nicht strafen
18,100 Dicke wart er slafen
18,101 Vn- an gebete erstv-mende
18,102 Do sprach er also slv-mende
18,103 Sin gebet . vn- verhouwen
18,104 Der vulheit siner vrouwen
18,105 Wart daz gebet also toub
18,106 Vil dicke er ez ouch vf schoub
18,107 Vntz hin an den andern tac
18,108 Do er dissés gepflac
18,109 Eine wile nach gewonheit
18,110 Vn- wolde mit der vulheit
18,111 Zv verre vz tugende- vliezen
18,112 Secht do liez in geniezen
18,113 Maria di vil gute
18,114 Daz er in sinen mute
18,115 Besvnder siner liebe ir iach
18,116 Vn- sin h'ze nach ir brach
18,117 Si sante im dri epfele hin
18,118 Vil missewant vnder in
18,119 Einer von dem andern schein
18,120 Ein apfel was gar vnrein
18,121 Der ander grvne abe genvmen
18,122 So was der dritte vollenkvmen
18,123 Beide schone vnde rif
18,124 Ein engel sprach . “nv grif
18,125 Dise epfele alle in dine hant
18,126 Sie hat maria dir gesant
18,127 Di tugende vol di milde
18,128 Dir zv einen bilde
18,129 Waz man dir lones sal geben
18,130 alhi vmb din h'te leben
18,131 Daz doch entzwei v're treit
18,132 als der epfele vnderscheit
18,133 Der erste ist vul von vnvlat
18,134 Der wol ebenmaze hat
18,135 Der zit diner innekeit
18,136 Di dich neiget an vulheit
18,137 Vnde vnvletec machet
18,138 Da von ist geswachet
18,139 Vil an diner crone
18,140 an diner tugende lone
18,141 Mvz dir da von abe gan
18,142 So sich den andern apfel an
18,143 Der ist vil vnzitec
18,144 also bist u gitec
18,145 Du lest di zit entslifen

18,146 Vn- wilt andere grifen
 18,147 Vur dise di dir ist entgan
 18,148 also mac ez nicht bestan
 18,149 Ein getruwer gotes knecht
 18,150 Gebe ieglicher zit ir recht
 18,151 Da ez mit rechte sin mac
 18,152 Der apfel ist vil vngesmac
 18,153 Den man vnzitec brichet
 18,154 Sw' sin gebet sprichet
 18,155 In rechter zit mit andacht
 18,156 Daz wirt vor vnsern h'ren bracht
 18,157 Dem me-schen z eime hoen vrumen
 18,158 Daz meinet der apfel vollenkvmen"
 18,159 Hi mite na- di rede ein ort
 18,160 als der einsidel hete erhort
 18,161 Di heiligen manv-ge
 18,162 Do wart ein wandelvnge .
 18,163 an alle sime lebene
 18,164 Er gienc me vurbaz ebene
 18,165 Vulheit vn- vnrechte zit
 18,166 Trat von im hin besit
 18,167 Vn- wart an im v'houwen
 18,168 Siner lieben vrouwen
 18,169 Dancte er mit alle- vlize me
 18,170 Wand si getruwelichen e .
 18,171 Berefsente daz leben sin
 18,172 Des si gelobet di kvnigin

19,1 IN svnden ein mensche lac
 19,2 Daz doch da bi d' tuge-de pflac
 19,3 Da von got ei- mensch . beiaget .
 19,4 Maria- di kvschen maget
 19,5 Hete er lieb besvnder
 19,6 nv vugete sich z hi vnder
 19,7 Daz got dvrch sine gute
 19,8 Des menschen gemute
 19,9 Zv rechtem wege beluchte
 19,10 Den menschen sus beduchte
 19,11 Wi er nach todes gebote
 19,12 an daz urteil vor gote
 19,13 Were gentzlich bekvmen
 19,14 Sich hete nitlich an genvmen
 19,15 Der tuvel . daz er bi in trat
 19,16 Vn- vber in gericht bat
 19,17 nach siner valscheit gebot
 19,18 Er sprach . "alweldiger got
 19,19 Gib mir disen . er ist min
 19,20 Wand ich vor den ougen din

19,21 Din selbes wort dar uf mac haben
19,22 an sime herzen ergraben”
19,23 Der richter sprach “waz ist daz”
19,24 Do sprach der tuvel vurbaz
19,25 “Du spreche an cluger wise
19,26 In dem paradise
19,27 Swanne ir uch v’gezzet
19,28 Vn- daz obz ezzet
19,29 So sult ir sterben diz ergie
19,30 Nv stet dirre mensche alhie
19,31 Von dem kvnne geborn
19,32 Dem du den tot hast geschworn
19,33 Noch habe ich ein vrkvnde
19,34 Wand er in grozer svnde
19,35 Wol drizec iar ist gelegen
19,36 Der er vil hat gepflegen
19,37 Vn- wolde lazen nicht dar abe
19,38 Daz dritte vrkvnde ich ouch habe
19,39 Daz ich also bewise
19,40 Ob er an tugende prise
19,41 Da bi icht gutes habe getan
19,42 So wil zvsamne lan
19,43 Daz bose vn- daz gute
19,44 In sines herzen mvte
19,45 Nimt daz bose vberhant
19,46 Des sal er billich sin geschant
19,47 Vn- alsus has tu nicht an im”
19,48 Do sprach der richter “nv v’nim
19,49 Waz er dar zv wolte sagen”
19,50 D’ mensche mvste gar gedagen
19,51 Vor grozer schemde leide
19,52 Do sprach anderweide
19,53 Der richter . “wir suln ez lan
19,54 acht tage alv-me stan
19,55 E . man in versenke
19,56 Ob er noch icht gedenke
19,57 Waz er widerrede habe”
19,58 Do gienc vil truric her abe
19,59 D’ selbe me-sche . vn- vnder wegen
19,60 Gienc im einer engegen
19,61 D’ vragete in sa der mere
19,62 War v-me er leidec were
19,63 “O we” sprach er “ich bin vnvro”
19,64 Vn- vnderschiet im also
19,65 Wi im dru scharfe stucke
19,66 Vf sin groz vngelucke
19,67 Der tuvel hete vor geleit
19,68 Vnd im were vngereit

19,69 Wi er da von enpreche sich
19,70 Iener sprach . “en ruche dich
19,71 Ich bin di warheit genant
19,72 Vn- wil vur dich alzvphant
19,73 Des ersten stucket rede geben”
19,74 als der svnder gienc beneben
19,75 Ein ander im do wider vur
19,76 Der im vesteclichen swur
19,77 Er wolde im zv gelucke
19,78 Wol daz andere stucke
19,79 Hin legen in rechter wisheit
19,80 “Min name ist di gerechtekeit”
19,81 Sprach er . “vn- ich han wol di macht”
19,82 Des achten tages wart er bracht
19,83 aber vur gerichte . als e .
19,84 Der tuvel nach urteile schre
19,85 Vber in . vmb daz erste leit
19,86 Do sprach zv im di warheit
19,87 “Du hast im di schult gegeben
19,88 Er si v’lorn vm daz leben
19,89 Daz mit vluche namen
19,90 alle kint von adamen
19,91 Do er brach gotes gebot
19,92 Vn- az den apfel wider got
19,93 Dar abe im got den tot gehiez
19,94 Da er in sit ouch in stiez
19,95 Der traf den lib . nicht den geist
19,96 Vn- da von als du nv seist
19,97 Ist vmbsust di sache
19,98 Des selben todes swache
19,99 Gab ot uf den lib den vluch
19,100 Des mvz er durch den vnruch
19,101 Werden zv eime stoube
19,102 Hi mite ich wol betoube
19,103 Vf in di erste sache alhie”
19,104 Di gerechtekeit do hine gie
19,105 Vn- sprach “alda so wil ich
19,106 Des andern vnd’winden mich
19,107 Dv hast gesprochen offenbar
19,108 Er habe dir wol drizec iar
19,109 Gedient . an grosvn svnden
19,110 So wil ich da bi kvnden
19,111 Daz beide hi vn- ouch da
19,112 In im di consciencia
19,113 Mvrmelte an der ruwe
19,114 Vn- daz wart dicke nuwe
19,115 Mit der bichte der er pflac”
19,116 Der tuvel leitlich sich erwac

19,117 Der zweier stücke die im schlecht
19,118 Gemachet hete wol daz recht
19,119 Idoch daz dritte greif er an
19,120 Vor den svndigen man
19,121 En sprach do weder der noch der
19,122 Do sprach der richter “brenget her
19,123 Eine wage . vn- lat wegen
19,124 Wes er me hat gepflegen
19,125 Des guten oder des argen”
19,126 Der svnder wart do kargen
19,127 Wand in sin h’ze an leide sneit
19,128 Warheit . vn- gerechtekeit
19,129 Sprachen heimlich wider in
19,130 “armer me-sche louf balde hin
19,131 Zv marien der vrouwen
19,132 Bit si wollen schouwen
19,133 Din armut . vn- ir gute
19,134 Ir tugentlich gemvte
19,135 Ist so milde . vn- also gut
19,136 Daz si dir ie helfe tut
19,137 Si ist der truwe wol gewon
19,138 Vn- v’mac sich wol da von
19,139 Wand si den edeln name- treit
19,140 Mvter der barmh’zekeit”
19,141 Der arme svndere
19,142 Mit sines herzen swere
19,143 Viel vur der vrouwen vuze
19,144 “Ey” sprach er “du vil suze
19,145 Du milde dv getruwe
19,146 Laz an mir werden nuwe
19,147 Daz dv bist bezzer danne gut
19,148 Wand mir so rechte we tut
19,149 Sal man mich verteilen
19,150 Dv macht mich vrouwe heilen
19,151 Mit diner tugende gewalt
19,152 Ez ist vmb dich also gestalt
19,153 Daz dv mir macht helfe lan
19,154 Vrouwe mvter sich dar an
19,155 Daz dv vns svndigen luten
19,156 Zv rechte salt bedeuten
19,157 Vn- din lob den namen treit
19,158 Muter der barmherzekeit
19,159 Hilf mir vrouwe hilf mir nv
19,160 Wand mir allez iamer zv
19,161 Get . in der ewigen hitze
19,162 Ob dv din gut antlitze
19,163 Von mir wollest keren
19,164 Dv salt dich dar an eren

- 19,165 Wand mir din rat gehelfen mac”
 19,166 Hi mite er di vrouwe erwac
 19,167 Daz si quam bi di wage
 19,168 Mit wol gehufter lage
 19,169 Wart di svnde alzvmale
 19,170 Geworfen in di schale
 19,171 Vn- gehufet als ein berc
 19,172 Man leite ouch sine gute- werc
 19,173 In daz andere becken
 19,174 Der tuvel wart zv stecken
 19,175 an sin ende also genvc
 19,176 Daz di schale nider sluc
 19,177 Vn- wante im were gelvngen
 19,178 Die guten werc uf swu-gen
 19,179 Do nam di iuncvrouwe gut
 19,180 Dvrch iren tugentlichen mvt
 19,181 Vn- leite dr uf ire hant
 19,182 Die bosen werc alzvphant
 19,183 Sach man da ho uf snvren
 19,184 Die tuvele zv schurren
 19,185 Swaz sie arges konden
 19,186 Dar uber sie begonden
 19,187 Daz sie sich selben hiengen dr an
 19,188 Vn- wolden zihen her dan
 19,189 Ir teil in di tufe nider
 19,190 Di vrouwe hielt so vaste wider
 19,191 Di schale an widersaze
 19,192 Daz si in schoner maze
 19,193 Den svnder vri machte
 19,194 Der mensche do entwachte
 19,195 Wand er diz in dem slafe sach
 19,196 Von der werld er sich brach
 19,197 Vn- diene vlizeclichen gote
 19,198 In sime heiligen gebote
 19,199 Was er stete vorchtsam
 19,200 Di kvnigin mariam
 19,201 Mit gantzer vreude er lieb gewan
 19,202 Di also wol helfen kan
 19,203 Den armen . die in noten sin
 19,204 Des si gelobet di kvnigin

 20,1 VOn der wolgeborne- maget
 20,2 Sal vch werden noch gesaget
 20,3 Wi so gut vn- vbergut
 20,4 Ist ir tugenthafter mut
 20,5 Vn- wi ir tugent vluzet
 20,6 Daz ein me-sche ouch genvzet
 20,7 Des andern . daz si lieb hat

20,8 Di hohe irre tugende grat
20,9 Di si in edelm willen treit
20,10 Kan ni-mer werden vollenseit
20,11 Von worte noch von littere
20,12 Horet von eime rittere
20,13 Wi er vremder tugent genoz
20,14 an sime name- was er groz
20,15 Vn- an der iugende grvne
20,16 Er was stoltz vnde kvne
20,17 Vri herzen vn- mvtes
20,18 Vnde milde sines gutes
20,19 Den tvrnei selden er v'lac
20,20 Da er ofte suchen pflac
20,21 Beide tyust . vnde forest
20,22 Swa er immer was gewest
20,23 Da iach an in der lute lob
20,24 Wand sine gabe was so grob
20,25 Spilluten vn- den vrien
20,26 Daz sie mvsten schrien
20,27 Mit offentlichen worten
20,28 Sin lob an allen orten
20,29 Daz sie zv iungest doch v'truc
20,30 Swi er hete vil genvc
20,31 also lange er vmmevur
20,32 Vn- virtet von der snvr
20,33 Daz er wart metalle bloz
20,34 Sin armekeit wart an im so groz
20,35 Daz er nicht alleine neit
20,36 Di gabe nach gewonheit
20,37 Er wart ouch selbe also schwach
20,38 Daz man in nicht haben sach
20,39 Di notdurft envollen
20,40 Sin herze was geswollen
20,41 Mit leide di im vreude nam
20,42 Nv vugete sich z daz im quam
20,43 Ein hochzit . daz di vriheit
20,44 Sich samten nach gewonheit
20,45 Zv im . wand er des stete pflac
20,46 als di hochzit gelac
20,47 Daz er in groze gabe erbot
20,48 Dem rittere wuchs do leide not
20,49 Wand er nicht da weste
20,50 Da mite er die geste
20,51 Nach gewonheit mochte entphan
20,52 Der vil trurige man
20,53 Di schande also manicvalt
20,54 Vloch in einen dicken walt
20,55 Da er der hochzit entweich

20,56 alleine er dar in streich
20,57 Daz niman weste wa er quam
20,58 Er hete ein reine wibes nam
20,59 Bewart mit tugentlicher zvcht
20,60 Ires mannes tobesucht
20,61 Daz er so vil in vnpflec
20,62 Dvrch hochvart gab hin wec
20,63 Daz was ir v-mazen leit
20,64 Ire heilige gewonheit
20,65 almvsen vnde gebet
20,66 Mit allen truwen dicke tet
20,67 Ir man gab spilluten hin
20,68 So liez ir tugenthafter sin
20,69 Sich die gotes armen
20,70 Mit milder hant erbarmen
20,71 Maria di vrouwe gut
20,72 Was ir gezoge- durch den mut
20,73 Dar inne ir liebe stete lac
20,74 Wand si vrolichen pflac
20,75 Ir dienen swa si konde
20,76 Der tuvel ouch begonde
20,77 Di tugent an ir niden
20,78 Wand er nicht mochte erliden
20,79 an ir daz tugenthafte leben
20,80 Dem si wol erlich was ergeben
20,81 Er wold ez gerne han verruct
20,82 Vnde si dar vz han gezvct
20,83 Dar uf gedachte er vil tief
20,84 Er man dort in der wuste lief
20,85 als ein mensche svnder sin
20,86 Do quam der tuvel da hin
20,87 Vn- reit bi in in den walt
20,88 Vf einem pferde vngestalt
20,89 Sie waren swartz beide
20,90 Dem rittere wart do leide
20,91 Wand er der gesicht erschrac
20,92 Der tuvel sulcher worte pflac
20,93 Da mite er in wol troste
20,94 Vn- von der angst loste
20,95 “Waz wirret dir” zv im er sprach
20,96 Der ritte ordenlich im iach
20,97 Waz in von den luten tribe
20,98 Wi er durch armut da blibe
20,99 Biz di hochzit . queme hin
20,100 Do sprach der tuvel wider in
20,101 “Daz wandelte ich vil drate
20,102 Ob dv nach minem rate
20,103 Ein dinc woldest an gan

20,104 Daz schiere were doch getan
20,105 Vn- ist ouch cleine genvc
20,106 Swaz din ere e . nider sluc
20,107 Daz wolde ich mit gute erheben
20,108 Dv soldest sulcher ere entseben
20,109 Daz sich din name nie da vor
20,110 Getruc also ho enpor
20,111 Er en solde hoer werden nv”
20,112 Do sprach im der ritter zv
20,113 “Ich wil tvn swaz du wilt
20,114 Ob sich min armut bezilt
20,115 Von diner helfe als dv nv seist”
20,116 Do sprach zv im der ubele geist
20,117 “Daz ist gut so wil ich
20,118 Gutes riche machen dich
20,119 Vn- werltlicher eren sat
20,120 Ganc vn- grabe an der stat
20,121 Von silber vn- von golde
20,122 Daz din armut wolde
20,123 Des vindes tu da richen hort
20,124 Idoch halt mir din erste wort
20,125 Nv ist min bete kein dir
20,126 Daz dv din husvrouwe mir
20,127 Wollest brengen .” do sprach er
20,128 “Dar an ervulle ich dine ger”
20,129 Di stat . di zit er im beschiet
20,130 Der ritter do zv huse schiet
20,131 Vn- vant als im gesaget was
20,132 Do zierte er wol sin palas
20,133 Sin erbe vn- sin eigen
20,134 Daz sich mvste e . neigen
20,135 Dvrch gut vnder vremde hant
20,136 Daz loste er wider san zvhant
20,137 Er gewan sin ouch me
20,138 Vn- lebete richlich als e .
20,139 Von disme guten coufe
20,140 In des iares loufe
20,141 In rechtem zil an z ende quam
20,142 Daz er sin edel wibes nam
20,143 Dem tuvele solde brengen
20,144 Diz wolde er ouch nicht lengen
20,145 als sin was da vor begert
20,146 Er hiez sateln zwei pfert
20,147 “Wol uf” sprach er zv r vrouwen
20,148 als si begonde schouwen
20,149 an des herren mute
20,150 Daz si svnder hute
20,151 Solden riten eine

20,152 Do sprach zv im di reine
20,153 “Herre min wa sul wir hin”
20,154 Do sagete er ir wol halben sin
20,155 Sie solden in di wuste
20,156 Vn- daz si mite mvste
20,157 Ir herze grobelich erquam
20,158 Idoch was si gehorsam
20,159 Si bevalch in iren mvte
20,160 Sich in marien hute
20,161 Vn- reit mit im so hin dan
20,162 Ir herze trat groz angest an
20,163 Wand ir daz selbe mere
20,164 Wart ie lenger swere
20,165 Daz si rurte zv pflege
20,166 Sich geburte an ir wege
20,167 Di vart vur eine capelle
20,168 In vil drater snelle
20,169 Viel di edele werde
20,170 Nider von dem pferde
20,171 Vnde lief sprechen ir gebet
20,172 als di wile si daz tet
20,173 Vn- an vnse vrouwen rief
20,174 Do vugete sich z daz si entslief
20,175 Maria ir zv helfe quam
20,176 Di sulche forme an sich nam
20,177 an gesteltnisse vn- an cleide
20,178 an alles vnderscheide
20,179 Was an ir der volle schin
20,180 als ob ez di vrouwe solde sin
20,181 Dise lac . maria gienc
20,182 Der ritte sinen wec do vienc
20,183 Di reinen gotes werde
20,184 Vurte er uf dem pferde
20,185 Biz zv der gelobten stat
20,186 Der tuvel vrolich zv trat
20,187 Vn- wante gar gewu-nen haben
20,188 Mit dem als er hete entsaben
20,189 Wer di was di er brachte
20,190 Mit vlucht er von im gachte
20,191 Vn- wart der reise vil vnvro
20,192 Zv dem ritte sprach er do
20,193 “Ey dv vngetruwer man
20,194 Waz has tu leides mir getan
20,195 Mit diner grozen valscheit
20,196 Ich gab dir mine richeit
20,197 an silber vnd an golde
20,198 Swi din herze wolde
20,199 Daz dv mir brechtes her din wib

20,200 Ich wolde rechen an ir lib
20,201 Minen zorn mit nide
20,202 Wand ich von ir lide
20,203 Vil groze not di si mir tut
20,204 an irre kvschen demut
20,205 Ir almvsen vnd ir biten
20,206 Mit andern tugentlichen siten
20,207 Der si vil hat an ir
20,208 Die erbiten groz laster mir
20,209 Diz wolde ich han erbrochen
20,210 Vn- mich an ir gerochen
20,211 Daz si mich z vurwart hat erlan
20,212 Nv has tu vngetruwer man
20,213 Durch dine valschen sinne
20,214 Her bracht di kvniginne
20,215 Di mit grozer werde
20,216 In himel vn- in erde
20,217 Ob allen dingen hat gewalt”
20,218 Di wile er sus den ritter schalt
20,219 Vn- sich doch vaste von im brach
20,220 Di gute vrouwe zv im sprach
20,221 Mit gewaldes volleist
20,222 “Ey du valschafter geist
20,223 Wer gab dir ie den willen
20,224 Daz dv woldest villen
20,225 Min svnderliche holde
20,226 Di mit truwen wolde
20,227 Sich in min dienst neigen
20,228 Nv salt u vurbaz veigen
20,229 Vn- nicht als e . wesen vri
20,230 In dem namen iesu cristi
20,231 Mines svnes . so wil ich
20,232 Daz du balde hebes dich
20,233 Nider in den hellegrvnt
20,234 Vn- wirt ni-mer vurbaz kvnt
20,235 Den zv leide vn- zv schamen
20,236 Die nach helfe an mine- name-
20,237 schrien . vn- den eren”
20,238 Do began von danne- keren
20,239 Der tuvel mit gebraste
20,240 Er hulte v-mazen vaste
20,241 Durch di gewalt di vf in quam
20,242 als daz der ritter vernam
20,243 Diz wunder an im worchte
20,244 Daz sin starke vorchte
20,245 an dem h’zen wart so scharf
20,246 Di in von dem rosse warf
20,247 Idoch als er sich v’san

20,248 Do viel der trurige man
 20,249 Vor di gotes werden
 20,250 Langes an di erden
 20,251 Vn- bat di valscheit im v'geben
 20,252 Daz er so torlich wolde leben
 20,253 Vn- mit den svnden sich v'sluc
 20,254 Di vrouwe strafte in genvc
 20,255 "Ganc" sprach si "tv dich abe
 20,256 alle der leiden tuvels habe
 20,257 Di dir nicht gehelfen mvgent
 20,258 Diner hvsvrouwen tugent
 20,259 Salt u geniezen . ob dv noch
 20,260 Von dir svntlichez ioch
 20,261 Wilt losen . vn- des vri wesen
 20,262 So macht u harte wol genesen
 20,263 Vn- tugende gewinnen vil"
 20,264 Hi mite nam di rede ein zil
 20,265 Er reit hin vz dem walde
 20,266 Zv der kirchen balde
 20,267 Da er der vrouwen was v'zigen
 20,268 Di vant er slafende ligen
 20,269 als si dvrch tugende vrmen
 20,270 Vor was zv gebete kvmen
 20,271 Des wart der ritter harte vro
 20,272 Vn- wacte gutlich si do
 20,273 Do er mit ir zv huse quam
 20,274 allez daz er e . v'nam
 20,275 Daz machte er gentzlich ir bekant
 20,276 Do wart ouch vmme gewant
 20,277 Sin leben . als er liez schouwen
 20,278 Er volgete siner vrouwen
 20,279 Vn- karte sich uf tugende me
 20,280 Im tet von allem herzen we
 20,281 Daz er der vntugende
 20,282 Da her von siner iugende
 20,283 Leider also vil getreib
 20,284 In gutem lebene er stete bleib
 20,285 Mit der hvsvrouwen sin
 20,286 Des si gelobet di kvnigin

21,1 Lat vch me von ir sagen
 21,2 Vn- mit rede vurbaz iagen
 21,3 Der vrouwen lob in vnse wort .
 21,4 Ez was als ich han gehort
 21,5 Ein schuler in einer stat
 21,6 D' durch kv-st zv r schule trat
 21,7 als noch hute maniger tut
 21,8 Mit gerete was er wol behut

21,9 Man schuf im meister vn- buch
 21,10 Do gab im steter vnruh
 21,11 Herten mut . stvmpfen sin
 21,12 Die tage . daz iar giengen hin
 21,13 Vergezzenheit mit im bleib
 21,14 Swaz der meister in getreib
 21,15 Mit scharfen worte- vn- mit slegen
 21,16 Diz konde nicht in in gelegen
 21,17 Der wisheit ein gelucke
 21,18 Vf sinen blozen rucke
 21,19 Dicke vn- dicke er in sluc
 21,20 Daz doch nicht vor truc
 21,21 Vn- tiefen sin im gebe
 21,22 Sine kvnst was vngehebe
 21,23 Vn- an schonen witzen kalt
 21,24 Sus wuchs von im ein ribalt
 21,25 Vn- ein tumber betschelier
 21,26 Er was an allen dinge zier
 21,27 Swaz uf der werlde leben trat
 21,28 Idoch hete er im vor gesat
 21,29 Einer tugende beiac
 21,30 Der er hete manigen tac
 21,31 Gepflogen an gewonheit
 21,32 Dar an sin wille was zvspreit
 21,33 Vn- weich im nichtes hinder
 21,34 Svmer vn- winder
 21,35 Zv velde er alle tage lief
 21,36 als sine gewonheit im rief
 21,37 Da er blvmen vnde gras
 21,38 an einen crantz immer las
 21,39 als er nicht blvme- konde haben
 21,40 So durchsuchte er die graben
 21,41 Vntz er icht grvnes da vant
 21,42 Was di erde geblant
 21,43 Mit sne in winterziten
 21,44 So gienc er an di liten
 21,45 Vn- schar den sne hin zv tal
 21,46 Er durchsucht ez uberal
 21,47 Hi tiefen gru-t . da hoen berc
 21,48 Vntz er volbrachte ie sin werc
 21,49 Vn- gesamte ie so vil
 21,50 Daz er gemachte ei- schepil
 21,51 Grvne vf dem gevilde
 21,52 So gienc er z einem bilde
 21,53 Gesniten vn- gehouwen
 21,54 Nach vnser lieben vrouwen
 21,55 Vn- satzte ir uf disen crantz
 21,56 an sulche- willen bleib er gantz

21,57 ane svmens vnderbrich
21,58 “Vrouwe” sprach er . “sit daz ich
21,59 Nicht vil gutes me v’mac
21,60 So la dir ieglichen tac
21,61 Diz von mir ein dienst wesen”
21,62 alsus pflac er blvme- lesen
21,63 Oder bletere vor die blvmen
21,64 Swi er mit svnden vlvmen
21,65 Gewonlich ander sache treib
21,66 Diz vil stete bi im bleib
21,67 Daz er ie gab der vrouwen sin
21,68 alle tage ein crenzelin
21,69 Nicht werkes im daz vnd’nam
21,70 nv vugete sich z daz im quam
21,71 an z herze ein genadenstoz
21,72 In dem der werlde in v’droz
21,73 Di im swachte sin leben
21,74 Zv mvnchen wold er sich begeben
21,75 Ob er di state mochte haben
21,76 als des heten wol entsaben
21,77 Die vrunt vn- die mage
21,78 Svnder alle widerlage .
21,79 Stercten sie im den sin
21,80 Dr uf . vn- hulfen vlizeclich im hin
21,81 Vntz er zv gawe- mvnchen quam
21,82 Do er di regele an sich genam
21,83 Do lebete er als die andern
21,84 Mit in begonde er wandern
21,85 Vntz im . geliebete daz leben
21,86 Swaz im genade wart gegeben
21,87 Di karte si vf daz beste
21,88 Er was dar inne veste
21,89 Vntz dar nach einen tac
21,90 Do er sines gebetes pflac
21,91 Des in ouch nicht bevilde
21,92 Do sach er dort ein bilde
21,93 Nach vnser lieben vrouwen stan
21,94 Mit leide er trachten began
21,95 Wi er eteswenne vf las
21,96 Die schepil die er schuldic was
21,97 Vn- nv dvrch den orden
21,98 Ein lugener was worden
21,99 “O we” sprach er “herre got”
21,100 Nach sines iamers gebot
21,101 Heimlich er vor den alter gie
21,102 Vn- viel vf sine blozen knie
21,103 Des h’zen vlut zv n ougen vloz
21,104 Di im die wangen begoz

21,105 Mildeclich hin zv tal
 21,106 Vn- di brust vberal
 21,107 Di im von zeheren beran
 21,108 Dirre trurige man
 21,109 Sufzte . vn- leit vngemach
 21,110 Zv vnser vrouwen er do sprach
 21,111 “O maria vrouwe gut
 21,112 Nv ist mir so beswert d’ mut
 21,113 Kvmen dvrch den orden
 21,114 Eya waz bin ich worden
 21,115 als ich von rechte nv wol clage
 21,116 Daz ich dir von tage zv tage
 21,117 Min loben nicht gehalden mac
 21,118 als ich hi bevor pflac
 21,119 Daz ist nv vnerloubet
 21,120 Ich sehe . vrouwe din houbet
 21,121 alle tage svnder crantz
 21,122 Diz machet mir vil manige- schrantz
 21,123 an alle minem lebene
 21,124 Ich wanderte gar vnebene
 21,125 Des wil ich minen orden lan
 21,126 Vn- dem amte bi gestan
 21,127 Daz ich dir crenzel mache”
 21,128 Nv was bi dirre sache
 21,129 Ein alt mvnch so nahe- kvmen
 21,130 Daz er hete ein teil v’nvmen
 21,131 Wi dirre iunge weinte
 21,132 Waz er aber meinte
 21,133 Daz lac im noch verborgen
 21,134 Er was in grozen sorgen
 21,135 Vn- vorchte im argete daz leben
 21,136 Er zoch ein teil in beneben
 21,137 In einen winkel . vn- sprach
 21,138 “Lieber svn welch vngemach
 21,139 Hat betrubet dinen mvt
 21,140 Wand ich sach der ougen vlt
 21,141 So vollic von dir vliezen”
 21,142 “Konde ich sin icht geniezen
 21,143 an troste .” sprach er . “so wolde ich
 21,144 Sin gerne hi bewisen dich
 21,145 Waz mich von vreuden scheidet
 21,146 Vn- mir den orden leidet
 21,147 Dar an min h’ze ist uf ersworn
 21,148 Doch wene ich ez si gar v’lorn
 21,149 Ob ich ez sage . des la mich gan”
 21,150 “Sag an liebez kint sag an”
 21,151 Sprach zv im der alde man
 21,152 “Wand ich dir wol geraten kan

21,153 Mit gote an wiser lere”
21,154 Der iunge weinte sere
21,155 “O we” sprach er “vater min
21,156 Ich wil nach dem willen din
21,157 Dir sagen waz mich irret
21,158 Vn- von dem orden virret
21,159 Ich was zv r werlde valsch gnvc
21,160 In der min tvmpheit mich v’truc
21,161 Daz ich tet wenic gutes
21,162 Doch was ich sulches mvtes
21,163 Daz ich uf ieglichen tac
21,164 Ein grune schepil machen pflac
21,165 Von bovme- oder von bovmbaten
21,166 So di ir zit nicht en haben
21,167 So suchte ich crut oder gras
21,168 an der gewonheit ich was
21,169 als mir wol was erlobet
21,170 Vf vnser vrouwen houbet
21,171 Wolde ich daz immer haben stan
21,172 Des widerstvt mir nieman
21,173 E . ich queme in den orden
21,174 Sit ich nv mvnch bin worden
21,175 So hat di regele mir benvmen
21,176 Daz ich dar an nicht mac bekvmen
21,177 Vn- daz crentzel breche
21,178 Vur war ich nv wol spreche
21,179 Daz mir der orden leiden mvz”
21,180 “O . lieber svn des wirt dir buz”
21,181 Sprach er “nv vil drate
21,182 Von minem gewissen rate
21,183 Wilt u der wandels vrien
21,184 Der kvnigin marien
21,185 Tegelich in edelen sachen
21,186 Ein rosencrentzlin machen
21,187 Vn- daz mit lobe zieren
21,188 So salt u ez ordinieren
21,189 Daz dv vber din tagezit
21,190 Di dir din regele sprechen git
21,191 Immer sprechest ie dar na
21,192 Vumfzic aue maria
21,193 Da mite ist daz schepil gantz
21,194 Vn- wizze daz si disen crantz
21,195 Vor lilien vn- vor rosen nimt
21,196 Wand ir v’re baz gezimt”
21,197 “O we” sprach der iunge
21,198 “Were ir di wandelvnge
21,199 Lieb . daz wolde ich immer loben”
21,200 “Ia da wil ich wesen oben”

21,201 Sprach der alde “mit eide
21,202 Daz dir nicht zv leide
21,203 Vmb daz gelubde geschicht
21,204 Di wile man dich halden sicht
21,205 Daz gebet . da von ich sage”
21,206 Do liez von siner h’ten clage
21,207 Der iunge . vn- gab ir ein zil
21,208 Er machte ein nuwe schepil
21,209 alle tage der vrien
21,210 an vumfzic aue marien
21,211 Hi mite im vil tugende quam
21,212 an wisheit er zv nam
21,213 Dar an in got wol stercte
21,214 Der abt ouch an im mercte
21,215 Daz er mit grozen vugen
21,216 Wuchs an witzen clugen
21,217 In den er wol sich halden pflac
21,218 Dar nach vber manigen tac
21,219 Wart er zv amte gesat
21,220 Dar zv gescheffede in an trat
21,221 Dvrch daz er mvste riten
21,222 In svmelichen ziten
21,223 Da man in nvtzlich in w’ben sach
21,224 Z ei mal im des not geschach
21,225 Do reit er vz vn- schuf
21,226 Sines ordenes behuf
21,227 Der wol nach willen gewart
21,228 Do quam er in der widervart
21,229 Vf einen lustlichen plan
21,230 Do sach er vz dem wege stan
21,231 Wol dvrchwachsen einen walt
21,232 Dar inne was di luft kalt
21,233 Swi ez doch heiz da vor was
21,234 Beide blvmen vn- gras
21,235 Stvnt da in voller grute
21,236 Erhaben an siner blvte
21,237 Vor der heizen svnnen
21,238 Bewart vn- vngewu-nen
21,239 Die bovme vn- ir este
21,240 Heten sich wol veste
21,241 Geladen mit den svmerlaten
21,242 Die waren dicke von ir blaten
21,243 Bewachsen vn- bewallen
21,244 Der kleinen vogelin schallen
21,245 Dar inne witen erclanc
21,246 Dem mvnche wart ein lustic swanc
21,247 Des ruche vz dem walde
21,248 Da hin karte er sich balde

21,249 Dvrch lust vn- dvrch sin gebet
21,250 Daz er al dar inne ouch tet
21,251 Mit harte grozer andacht
21,252 In di gehugde wart im bracht
21,253 Daz der vrouwen crenzelin
21,254 Noch vngesprochen was gesin
21,255 Daz hub er vrolichen an
21,256 Nv waren nach dem guten man
21,257 Zwene valsche man vil starc
21,258 Geslichen dar . vf sin arc
21,259 Durch des pferdes liebe
21,260 Die valschaften diebe
21,261 Liez vnser herre schouwen
21,262 Di allerschonsten vrouwen
21,263 Di vleislich ouge ie v'nam
21,264 Bi den mvnch di vrouwe quam
21,265 In harte richem cleide
21,266 Vz vnd innen beide
21,267 Geworcht luter sydin
21,268 Was der edel baldekin
21,269 Vn- an der varwe himelvar
21,270 Dar inne stvnden her vn- dar
21,271 Blvmen alsam die sterne
21,272 Sie sahen harte gerne
21,273 Di vrouwe . vn- vrolich gnvc
21,274 an irem arme si truc
21,275 Einen schone- reif von golde
21,276 Dar uf si setzen wolde
21,277 Blvmen . vn- ein schepil haben
21,278 als der mvnch hete entsaben
21,279 Ein aue maria . vn- sprach
21,280 Secht welch ein wu-der da geschach
21,281 Wand ez wart zv einer rosen
21,282 Mit griffen harte losen
21,283 Di vrouwe do begvnde
21,284 Im brechen von dem mvnde
21,285 Ein rosen nach der andern
21,286 Ob er begonde wandern
21,287 Wol vnderwilen von der stat
21,288 Di vrouwe im lise nach trat
21,289 Vn- warte wol der blvmen
21,290 Di von des mannes gvmen
21,291 Wachsen da nach dem gebete
21,292 Immer als di vrouwe hete
21,293 Gebrochen . vn- di rose ergreif
21,294 Si bant si vm den goltreif
21,295 Mit eime silberdrate
21,296 Do ouch der mvnch hate

21,297 Vumfzic aue gesprochen
21,298 Do was so vil gebrochen
21,299 Der blvme- . daz der rosen crantz
21,300 Was vollenkvme- . vn- gantz
21,301 Den di edele vrouwe
21,302 Zv der zweier aneschouwe
21,303 Satzte uf ir houbt . diz geschach
21,304 Dar nach ir ieglicher sach
21,305 Si vrolich svnder leide
21,306 Swingen vber di heide
21,307 So hin vntz an ein dicke
21,308 Da si wart vz ir blicke
21,309 Mit dem crantze benvmen
21,310 Nv was di zit ouch wol kvmen
21,311 Daz der mvnch solde
21,312 Riten als er wolde
21,313 Vn- er sin zit hi vollensprach
21,314 Vz dem pusche er sich do brach
21,315 Da er e . was . vn- greif
21,316 Mit dem vuze in den stegereif
21,317 als er uf wolde stigen
21,318 Do hub sich im ein crigen
21,319 Zv im liefen iene man
21,320 Vn- griffen ubellich in an
21,321 “Stet her mvnch” sprachen sie
21,322 “Ir sult daz pfert vns lazen hie
21,323 Wir wollen vch nicht morden
21,324 Dar an wir uweren orden
21,325 Ein teil wollen eren
21,326 Ir mvget von hinnen keren
21,327 Gesvnt . svnd’ valsche gezoc
21,328 Lat ot hi den vberroc
21,329 Daz pfert vn- ouch di cappen”
21,330 “Eya” sprach er “edeln knappen
21,331 Habet dvrrch got min schone
21,332 Des er vch immer lone
21,333 Wan ich bin cranc vn- dar zv alt”
21,334 Die zwene waren vf in balt
21,335 “Gebet vns” sprachen sie “zv hant
21,336 Swaz wir haben e . benant
21,337 Wand wir ez hi-nen wollen tragen
21,338 Da bi sult ir vns ouch sagen
21,339 Wer di vrouwe si gewesen
21,340 Di die rosen hat gelesen
21,341 alhi von uweren mvnde
21,342 Wir wollen haben kvnde
21,343 Ob ez von goukelvure si
21,344 Daz vch ist gewesen bi

21,345 Ein so vnmazen schone wib
21,346 Ez get uch werlich an den lib
21,347 Ir en saget vns di warheit”
21,348 Der mvnch swur in manigen eit
21,349 Mit sinen worten veste
21,350 Daz er nicht en weste
21,351 Von der vrouwen vm ein har
21,352 Er dachte beide her vnd dar
21,353 Wa di rede wolde hin
21,354 Idoch do sie berichten in
21,355 Von vumfzic rosen die si brach
21,356 Vn- wi si ieglicher sach
21,357 Da von ein crentzel machen
21,358 Do marcte an disen sachen
21,359 D’ mvnch waz dar an geschach
21,360 “Ia werlich ia” er sprach
21,361 “Ia vil lieben kindere min
21,362 Di vrouwe sal gelobet sin
21,363 Ich weiz wol waz iz meinet
21,364 Got der hat hute erscheinet
21,365 Daz er ist ein getruwer got
21,366 Vn- wil uch von der werlde spot
21,367 Mit dem gesichte vuren”
21,368 alsus begonde er rvren
21,369 Wi im zv m ersten was gegeben
21,370 Ein vngeneme svndec leben
21,371 Vn- wi er al dar inne pflac
21,372 Daz er uf ieglichen tac
21,373 Ein crentzlin siner vrouwe- truc
21,374 Wi daz dar nach v-me sluc
21,375 Daz er der wandels vrien
21,376 Von vumfzic aue marien
21,377 Brechte alle tage ein crentzelin
21,378 “Secht” sprach er “lieben brud’e min
21,379 Hute ist di vrouwe zv mir kvme-
21,380 Vn- hat ir crentzil genvmen
21,381 Daz sahet ir . vn- ich nicht
21,382 an der selben geschicht
21,383 Sult ir offenlichen sehen
21,384 Daz ez dvrch uch ist geschen
21,385 Vn- ir uch bezzern dar an sult”
21,386 Mit vil grozer gedult
21,387 Sprachen sie do beide
21,388 “O we der herten leide
21,389 Daz wir ie zv svnden
21,390 Dvrch des tuvels schvnden
21,391 So verre vieln vz gots gebote
21,392 Ey vn- mochte wir an gote

21,393 Noch genade vinden
21,394 Wir wolden gar erwinden
21,395 Von dem lasterlebene
21,396 Vn- vns vurwart ebene
21,397 In sime gebote halden”
21,398 Secht do wart dem alden
21,399 Des h’zen vreude also groz
21,400 Daz im sin antlitze ervloz
21,401 Zv tal von der ougen bach
21,402 “Ia vil lieben kint” er sprach
21,403 “Secht des uf minen orden
21,404 Des bruder ich bin worden
21,405 Vn- vf minen hosten eit
21,406 Daz gotes barmherzekeit
21,407 In siner grozen truwe
21,408 Vch nach gantzer ruwe
21,409 Harte willeclich entphet
21,410 Vnde in sin riche kvmen let
21,411 Crist der vil gewere got
21,412 Dvrch des vater gebot
21,413 Truc des cruces burde
21,414 Vf daz der svnder wurde
21,415 Vri der ewigen last
21,416 Des himels kvnic was hi gast
21,417 D’ vreuden cleit was hi bloz
21,418 Des in nictesnicht v’droz
21,419 Dvrch den svndigen man
21,420 Daz er ot wider wolle gan
21,421 Zv gote an tugentlicher art
21,422 Vil wol ich an mir han gelart
21,423 Di sine barmherzekeit
21,424 Wand min h’ze ouch v’sneit
21,425 Maniger svnden vnvlat
21,426 Nv hat der gute gotes rat
21,427 Vn- di helfe miner vrouwen
21,428 als ir wol mvget schouwen
21,429 Mich ein teil dar vz gezogen
21,430 Er hat sin vil vntz her gepflogen
21,431 als er wil hute an uch pflegen
21,432 Gut wider ubel wegen
21,433 Kert ot balde uvern sin
21,434 Mit der rechten ruwe an in
21,435 Daz ist im groz ein ere”
21,436 Dvrch di guten lere
21,437 Vn- dvrch daz vremde zeichen
21,438 Begonde sich erweichen
21,439 Ir hertez gemvte
21,440 In einvaldiger gute

21,441 Wart ir herze beweit
21,442 Dar inne gotes genade sneit
21,443 an ruwe di was so groz
21,444 Daz si zv n ougen vz vloz
21,445 In alsulchen geberden
21,446 Vieln sie zv r erden
21,447 Langes vor den guten man
21,448 Vn- riefen gutlich in an
21,449 Mit harte clegelicher dol
21,450 “Eya vater tu so wol
21,451 Sit dich got vns hat gesant
21,452 Mache vns den rechten wec erkant
21,453 Den wol wir gerne immer treten”
21,454 Z war des wart er lichte erbeten
21,455 Wand er sie lieplich vf nam
21,456 Vn- mit in zv clostere quam
21,457 Da mvnchten sie sich beide
21,458 In ruwiger leide
21,459 Vmb die alden missetrite
21,460 Bleib vil tugenthaft ir site
21,461 Wand sie wol hielden gots gebot
21,462 Secht diz worchte vnser h're got
21,463 Dvrch der vrouwen crentzelin
21,464 Des si gelobet di kvnigin